

世界奇聞大觀



MIG
1246.7
459
22



世界奇聞大觀下編目錄


黑 毒 中 毒	擊由自作不可活.....一至三
偵 探 中 探	亞東之福爾摩斯.....三至六
筆 記 竊 中 竊	飛行絕迹洵難測.....六至九
筆 記 騙 中 騙	斜陽過客感重來.....九至一四
武 俠 勇 中 勇	虎頭輕死等鴻毛.....一四至一七
武 俠 強 中 強	娘子軍中第一人.....一七至二〇
家 庭 疑 中 疑	小家庭內風波起.....二〇至二五
節 烈 貞 中 貞	千載馨香事競傳.....二六至三〇
社 會 苦 中 苦	恐爲雙兒目未瞑.....三〇至三三
滑 稽 趣 中 趣	風流猶想牡丹花.....三三至三四
學 情 孽 中 孽	削髮入山亦枉然.....三四至三七

世界奇聞大觀 下編 目錄

小滑稽	假中假	演來才子風雅事	二七至二九
小黑幕	幕中幕	何如知足守吾財	四〇至四一
小家庭	秘中秘	一家肥瘠同奏越	四一至四二
小黑幕	駭中駭	兩地驚心來意外	四二至四四
小孽情	蕩中蕩	可憐美玉墜污泥	四四至四六
小慘情	冤中冤	一紙文書兩鬼淒	四六至四八
小滑稽	癡中癡	天真露處應噴飯	四八至五二
小黑幕	術中術	直將賭博作生涯	五二至五六
小哀情	恥中恥	黃卷青燈叩曉鐘	五七至五九
小警世	錯中錯	將錯就錯原非錯	五九至六三
小怪異	怪中怪	恨不嫁與田舍郎	六三至六六
小慘情	難中難	紅袖青衫皆薄命	六六至六八
小黑幕	穢中穢	掬盡西江洗不清	六八至七一

小哀	小奇	小黑	小武	小怪		
說懽	說異	說幕	說俠	說異		
悲中悲	奇中奇	惡中惡	盜中盜	崇中崇		
猶是春閨夢裏人	此生猶入玉門關	夜半粉團味若何	世路險於臨絕巖	願將雙劍化千萬	絕倒徒家避禍人	
.....	
七一至七三	七三至七四	七五至七八	七九至八一	八一至八三	八三至八四	

世界奇聞大觀 下編 目錄



世界奇聞大觀下編

黑幕
小說
毒中毒 孽由自作不可活

寒光

皖人阮某。商於滬。多財善賈。積資累萬。妻李氏。亦商人女。美而賢。雖伉儷之間。情好倍篤。然苦不育。以故年逾而立。猶無後也。朋好均以另置簪室爲勸。其愛妻復力贊之。某亦意動。會以酬酢故涉足北里。得識蘇妓曼君。驚其艷。惑焉。曼君固個中能手。利其富有。曲意媚之。阮某遂墮其術中。量珠下聘。并及侍兒老六。挈之以歸。李氏嚴明。早知非福。然恐滋人疑慮。隱忍不言。私計妓亦猶人。非生而爲妓者。雖難免青樓習氣。我苟格之以誠。因勢而利導之。或者潛移默化。歸入於正。遂亦善視之。待以弱妹之禮。繼見曼君亦端莊靜好。動悉中禮。絕無恃寵而驕之弊。此心因以大慰。實則曼君墮落既深。淫蕩殊甚。非甘守一夫者。以鑒於大婦嚴明。故示以貞靜幽嫻之態。以堅其信。積日稍久。已莫能耐。以礙於大婦。苦無以施其技。商之老六。老六心尤狠毒。乃爲劃策。而賢明之李氏。首蒙其害矣。初李氏有弟。曰榮生。曾以事與阮某衝突。耶舅之間。以致交惡。榮生

憤怒之餘。有此生不再登阮氏門庭之宣誓。而姊弟之感情。則初不因之以稍損。樂生居於皖。每來滬上。必以電話告乃姊。李氏必立即驅車往訪之。阮某亦加以原諒。不之阻也。一日李氏又得乃弟電話。云刻已來滬。厲某旅社某號。即循例前往。至某旅社。僱得某號。館役言樂生適以他事外出。且返。臨行並囑有女客來者。可請其稍待。李氏亦不疑有他。即坐以待乃弟之至。館役見桌上壺茶猶溫。注一杯以奉之。闔門自去。李氏方渴。得著即飲。飲畢不覺體憊。倒於榻上。頭目暈眩。知覺漸失。比醒。則裸臥衾中。有莽男子擁之。狀至猥褻。四肢癱軟。欲拒無力。亦惟任其狂暴而已。旋莽男子携其裹衣以去。臨行更謂之曰。以此爲質。後有所召。宜立至。否且無幸。李氏歸後。痛不欲生。幾欲自殺。然乏毅力。又恐死後資人談論。亦遂忍辱貪生。彼莽男子者。時復脅之外出。以赴幽會。勒索金錢。更日進而未有已。李氏不能堪。終無如何也。某日之晨。阮某方出厲門。瞥見一衣服襤褸之丐兒。手持紙裹。窺探戶外。形跡堪疑。執而詢之。丐兒初不吐實。阮某給以一銀幣。渠乃自陳。受雇於一路人。囑以此裏密投李奶奶者。阮益大疑。拆而視之。得一箋。着數十字。文曰李夫人鑒。今日某時本當至某旅社踐約。以不得暇。改於明日。

某時仍在該處一敘。需件必須帶來。至囑某言。阮某閱畢。憤甚。然猶能力自鎮定。麾丐兒使去。亦不反詰其妻。仍往辦事處去。至某時。獨自一人。直詣某旅社。覓得某號。推門而入。則其愛妻在也。然猶坦然自若。詢何以至此。李氏瞥睹其夫。驚惶無已。長蹠不語。阮某笑曰。是何爲者。余固作寄書人來也。言已探懷出晨間所得書。擲之其前。揚長自去。李氏知事已至此。無可挽回。歸途購得阿芙蓉。自盡以死。含冤終莫白也。莽男子乃老六之面首。種種毒計。均老六所佈置。書信之敗露。亦老六故意爲之。蓋欲置李氏於死地。以遂其大欲焉。李氏既死。曼君擢爲主婦。老六亦升一級。合力以圖阮某。逾年阮某亦竟以療疾死。所有資產。遂悉入曼君與老六之掌握中。得爲所欲爲矣。寒光曰。曼君與老六。忍心悖理。污及李氏清白。其計已毒。故使敗露。置之死地。用心更毒。合力以圖阮某。終亦死之。尤足令人髮指。余無以名之。名之曰毒中毒。推原禍始。胥由於阮某一念之差。不應納妾。更不應納勾欄中人。如曼君者爲妾。孽由自作。多妻之害如此。好納妾者。其鑑之。

偵探
小說 探中探

亞東之福爾摩斯

澹廬

世界奇聞大觀 下編 探中探

三

層雲密合。斜月微茫。當此午夜沈沈。萬籟俱寂之際。春申浦西支流之八仙橋畔。有一身著元色洋裝。履爲新式橡皮底。軀幹短悍。舉步輕捷。自東之西折而南向。直趨於克熊克路。橋之兩端。有安南巡捕二。伏於隱處。見其人趨過。暗相招呼。突出一高加索種之拉丁人。與兩捕低聲匆匆數語。即忙向前追蹤。自思此著洋裝之支那人。行蹤詭秘。殊足令人注意。又復狡活異常。前夜方追逐其後。一那剎間。即杳然兔逸。今夕當格外留意。必窮其真相而後已。於是前者步亦步。前者趨亦趨。至克熊克路轉折處。其人忽逗遛不進。徘徊於一座高大洋房之前。門前電燈明耀。其北爲外人墳山地。拉丁人即自遠處越墳牆以敝身。復匍匐至牆角。於花磚隙處窺之。由暗視明。纖毫畢露。見此支那人額突鼻銳。目光流利。足以表示其機警。年約三旬。額際橫呈皺紋。似曾深用筋力所致。面容嚴肅中帶慈祥之氣。服裝端重不挑。步履舒疾有常。一望而知爲上等之人。物方忖度間。支那人倏隱身於南隅。即聞有車鱗鱗及門而止。一服時裝之壯男子。下車入門。囑僕加鍵焉。支那人立街中。仰望樓窗。似有所覬覦者。拉丁人覩狀疑甚。意欲執而詢之。甫探首牆頭。而支那人若預知牆內有伏。舉手一招。復向上指之。拍手大笑。

而逝。拉丁人急踰牆追之不及。回視故處。燈火俱滅。懊喪不已。噫。斯二人者。胡爲乎來哉。請一述其梗概。拉丁人名莫遜克利。法捕房之總探長也。前日經岡捕報告。怪而親往探之。不料兩夜中均歸失敗。且遭羞辱。憤悶殊甚。翌晨散步浦濱。自笑操業三十餘年。破獲奇案。指不勝屈。今併查一人之蹤跡而不得。不亦愧此名乎。方踟躕間。見支那人。躑躅在前。緊隨之。入同安棧中。詢知爲樓上四十二號官房。史其姓。爾福其名者。卽往叩門。門內厲聲問爲誰。克利答以有事找史君。及門啓處。一年未甘齡之美少年。克利愕然久之。始笑詢以史君安在。少年曰。史君自昨夜出去。尙未歸來。何能知其所。克利遂謝之下樓。以爲史猶未入此室處也。少年聞克利去。卽縱聲大笑。曰。唉。庸奴何其騷耶。彼獨不見予頃間所服之衣。猶懸諸壁上乎。卽去其假面。露却廬山。乃依然一面容瘦削。警機絕倫。支那人之史君爾福也。史君浙籍。少讀書。嗜偵探學。及長。游歷歐美。得竟其志。曾在英倫萬惡叢中。破數奇案。名譽鵲起。西人咸頌拜之。稱爲東方之福爾摩斯。嘗與祖國革命偉人相友善。一日閱東亞日報。載有支那國體方新。黨爭甚劇。其手造民國之某偉人。在上海之北車站。被刺身死。政府竟置之不問。良弓未藏。功狗

先烹支那前途。殊未易抱樂觀云云。史君不禁大怒。蓋彼與某偉人相稱莫逆。使不立還故國。偵明原委。緝獲兇手。將何以對其死友。於是史君束裝就道。乘輪東旋。迨秋杪抵申江。安廬既畢。即四出偵探。不旬日而得其端倪焉。探知某之死。某於創言民國政體。非立完全責任內閣制不可。與政府殊有關係。循流竟源。得悉政府派有暗探某。住克蘇克路一百十號洋房。故連夕至其處探之。爲法捕所疑。遂出其神妙不測之手段。以戲之。宜克利之瞠乎其後也。是日下午暗探某赴友人約。史君即喬裝政府中人。持某總理書札。出厲門。猶見克利呆立途中。不禁嚙之以鼻。至某宅。口操北音。云是某總理所遣。有要言與汝主面洽。其僕即請史入書室。往覓其主。史君得檢查證物。見電稿及某鉅人信各一。不勝歡忻。當不告而別。卒以此證件。致兇人及主。峻者於法。噫。若史君者。爲國除奸。爲友伸冤。可以風矣。

筆記 竊中竊 飛行無迹洵難測

澹 廬

滬上茶樓酒肆。游戲場所。莫不有謹防剪綰謹防扒竊之字條。粘示壁間。足見鼠竊一流。爲黃歇浦濱之出產地。地靈人傑。此中好身手。宜靡不薈萃於是。而抑知否否。洋場

十里。捕房如林。紅頭印捕。及三道頭四道頭。矗立街中。中西包探。每日雜於煙密人稠之際。隱現無定。出沒不常。聚中外能手於一隅。宜乎無奸不燭。無案不破矣。而抑知否。否。清光緒二十八年間。一客自直隸順天府來。既抵埠。往謁同幫中之著名人物。且請之曰。兄弟向在北方混跡。近因運氣不佳。故到貴地一玩。想叨諸老哥之福。在此做一禮拜買賣。期滿即行。決不多延。期中竭兄弟能力。如果微天之倖。兄弟止取十分之七。以三分爲諸哥壽。何如。滬幫詰以交易之數幾何。曰。不敢多請。四五千耳。滬幫聞言。皆太爲詫異。蓋此輩向無大志。獨脚戲。一禮拜內。以數百金爲最鉅也。衆對以此事可否。須取決於頭兒。衆往稟捕頭。捕頭以時短數鉅不許。衆遂懇捕頭自往復之。捕頭允之。既晤客。辭以不能。客請休息數天。另往別處。捕頭又不許。且慧語侵客。客怫然不悅。忿忿而別。由是滬幫所獲得之金表金鍊珍珠鈔票等。凡既納諸自己囊中者。輒不翼而飛。各自駭疑。羣相告語。始知兩三日間。合計其數亦不下二千餘金。乃稟商於捕頭。捕頭爲例分計。且有疑於客。即集通班探捕。囑覓客之所在。分途回去。徧地搜尋。杳不知其蹤跡。班中某與客素所交識。衆強以全責畀之。某聞客於浦東。尙有寄宿處。始往。

覓之。至則客已先待。某未及語。客笑詢之曰。子之來也。得毋爲竊者被竊而探竊耶。某卽爲衆致意。又懇歸全璧。某又笑曰。子之量。何其隘耶。予豈欲攘人已成之功。而安享之耶。願以捕頭祇能禁予取諸行人。未能禁予取諸取於人者。故偶一戲之耳。子盍往語捕頭。任予勾留半載。買賣無定額。十萬百萬。惟視予力所及。否則予之所爲。罪旣在人。利則歸我。以永絕捕頭之進項。捕頭其奈予何。某往返商確。始以一月期萬金額定議。向索前物。客微哂曰。吾輩定例。凡取自何人者。仍當還之何人。予今欲捕頭代予之勞。寄語捕頭。明日三句鐘。至五鳳樓前散步。自當有人送還。捕頭怪其言。翌日先時往。旋環街心。待驗其異。迨鐘已四下。未見朕兆。欲縱步返廬。囑某往斥。一探手。而囊中纍纍者比是。且一一標以人名。絲毫不爽。捕頭深服其能。卽造客廬。請以方法見告。客曰。君不憶三點五分時。兀立四路中樞。有一人自南而北。俯首疾過。君前適一馬車馳驟東向。君曾以手挽其人。其人略撞君身。方免踏斃之慘乎。捕頭曰。咦。彼架墨鏡。披寬袖長衣者。其子也耶。客笑而頷之。蓋客爲該幫之飛口。實北方之能手者也。余嘗聞之。該幫部類極夥。名目尤繁。大約以階級分之。共有五等。以剪剪物者曰裏口。以康熙錢磨

成刀式割物者曰外口。卽所謂剪結是。以手掏摸者曰竊口。卽所謂扒弄是。以偷竊而帶有強橫性質者曰盜口。如長江幫中之扒兒手是。至若飛口則飛行絕迹。神妙不可思議。而爲該幫中之最上乘矣。

筆記 騙中騙

斜陽過客感重來

澹 廬

聊齋言念秧之事。隱括其奸。旣已知犀照怪。迄今行旅所傳。又有數事。更足蹇跼涉者之心。因擇其尤奇者。用以當禹鼎之一足。俾客子知所趨避。欲窺全豹猶未也。浙東某清之方伯。以鼎革歸鄉。然閱閱煌煌。簪紳濟濟。諸公子猶宦於京。惟一幼者留奉晨昏。亦已弱冠有餘矣。方伯素熱中。遣之赴都。與其諸兄謀。將以求仕。瀕行。予以千金。以資路費。慮其少未更事。囑之曰。途次念秧者頗多。汝此行不淫不賭不多事。可以無患。切宜慎之。公子謹受教。紀綱數人。行况顯赫。非如一介之士。從以老僕。乘以匹馬。可以垂釣而釣者也。行及京口。棄舟而輿。又已數十程。公子旣恪守家訓。繁費無多。而公又掛冠未久。門生故吏。幾遍中途。其飽豬肝而贈綺帶者。不一而足。卽從者亦益潤行色。於是慢藏之戒倍嚴。將抵京。已使人先往馳報。公子與其僕駕輕車。跨駿騎。輜重絡繹。馳

驅於畿南道中。雖非朝發夕至。亦既信宿匪遙。心皆漸放。是夕宿於安肅小邑。僕夫卸裝。公子散步於旅邸。因與郵亭主人閒詰道里之遠近。約數日可達。主人未及對。旁一人華服鮮衣。貌頗清麗。望而知爲詩書中人。代答曰。明夕宿涿州。二日可抵都門。貴客按程前進。道不遠矣。公子以首領之微。詰其姓。曰田某。審其音。亦浙產。公子頗動鄉情。方將細詢。適僕來請盥濯。遂入室。及昏。田忽以盛饌入。挽僕稟白。言係公子長兄。令莅某部。斥革之書記。以故閑居在此。倘公子肯爲緩頰。仍復厥役。則不啻再造之恩。因敬以盤飧上獻。公子頗疑。召入問之。鑿鑿敘述。則其事甚細。其情可原。及問其何以出京。又對曰。某之兄。實司刀筆。現掌案牘於縣。故來依之。公子又私以詢僕。則逆旅內外人多識之。因亦坦然不疑。三辭而後受之。更加慰勞。許爲排解。田色似甚喜。頓首至地。感激不勝。公子據案飲酌。田隅坐其側。相與尙論今古。田應對如流。淹通博雅。過於夙儒。公子不禁欽佩。深愛其才。方縱談間。又有客至。人騎喧嘶。宿於公子之對室。一偉丈夫。鬚髯如戟。冠服不類齊民。其一則形軀短少。年僅成童。美好如處女。田見偉丈夫。卽起而與道闊別。倍加殷勤。乃爲公子介之曰。此某之母黨從兄。卽公子同里某太常之猶

子也。故鄉世好。異地相逢。敢以爲介。偉丈夫卽與公子款曲。欣然曰。同一桑梓。未嘗識。荆然弟在京中。與諸大兄。盃酒盤桓。過從極密。昨聞大兄言。知兄已北上。不意竟得相。遭。實出三生之幸。公子聞言。猶懷疑忌。而依稀記憶。故里若有其人。因叩其官位。并詢。以所之。則曰。第一武夫。清季倖登鄉榜。因丁艱。未經部選。客歲服闋。入京謀差。今始准。保試用。宦途可謂蹭蹬。然藉此遇兄。頗覺大快人意。語甚洽比。公子因恍然曰。君非武。孝廉某耶。景慕久矣。竟與之歡然講禮。無所疑。蓋公子邑中有武科。居雖遠。曾耳其。名。卽太常之姪也。所言脗合。方深信之。且揖以入席。某笑曰。易云不速之客。殆弟之謂。也。徑就坐。公子又詰少年伊誰。某耳語曰。此京中一妙齡且也。弟以數百金致之。故不。使離左右。兄前放膽。願賜一座何如。公子不拂其意。果命侍坐。少年亦不謝。岸然卽席。公子頗怪之。旣而睨其貌。較敷粉而增光。視塗脂而益潔。俛仰嬌羞。宛一閨中弱質。公。子亦信其爲優。席間。某與田間敘家常。刺刺不休。公子得注視少年。竟不復憶庭訓。少。年又時時流盼。倍覺銷魂。四目交矚。漸有不可解之勢。某卽飛一觴來。曰。兄須盡此爵。是兒有絕技。尙未及一售也。公子竟滿引之。某以箸代板。命少年清謳。初猶醜觀。辭以。

喉啞。強之而後歌。乃一發聲。梁塵簸簸欲動。歌畢。對公子微笑。公子竟不自知其身之何在。於是四人豪飲。均已醺醺。迨漏下三鼓。某與田偕出。少年附公子耳。低聲曰。一接音塵。令人心醉。君盍虛關以待。當敬來答垂盼之情。言甫竟。某人辭公子。携少年歸寢。儼然伉儷。公子因竊笑之。及臥。宿酒在胸。驟不能寐。遙聞鼓聲清越。呼盧喝雉。公子知僕輩共博。亦屬長途恒事。漠不關心。惟思少年多情。姿態動人。甫涉遐想。簾鉤微響。少年已輕步入室。啓衾共臥。小語曰。君未寐耶。勞久待矣。公子覺膚香襲人。若薰蘭麝。及撫其下體。則又如脂如韋。溫勝堆綿。後庭花開。巫臣夢好。少年之活潑。百倍閨人。公子初嘗試之。能不神魂顛倒哉。事已共枕交吻。少年又言曰。僕以一時狂瞽。誤從此起。趕者。使酒尙氣。殊不可耐。公子已有意於此。乃笑挑之曰。彼亦甚愛吾子。何遂不滿如是。且吾子相隨遠出。不忍遽舍。諒亦自有所樂者。少年乃低訴曰。渠止二百金。爲予償債。遂誘予相伴至任。再酬十鎰。予年幼。誤信之。今甚悔。然亦無可如何矣。宵來晤君。不勝仰企。故敢竊以豚饋。君倘留意。付渠原金。僕自從君返京。朝夕侍從。我輩中尤有妙者。則汲引同來。不難盡入彀中。豈止僕之一禱哉。公子見其滑稽。益更適意。徑許之。少年

亦不復起。竟任公子擁背高眠。不覺東方之已白。詰朝。公子猶寢。忽聞某誦辭聲。及醒。少年已爲摔去。飽受老拳。公子心實惻然。乃著衣下牀。赧顏而排解之。某益忿忿。兼詈公子。益奮臂毒毆。少年號救。勢甚洶洶。田忽排闥入。力勸某出。旋復公子曰。渠實不甘。可若何。少年又涕泗橫流。不願從某。田因爲之居間。勸公子出金相易。公子亦心肯。田往返數四。始定議。以四百金付某。某猶恨恨不絕口。揚鑣而去。公子雖失數百金。然得少年。甚愜所願。故亦不以爲憾。乃載裝就道。田亦策蹇相送。公子固辭不獲。姑聽其行。至某鎮。日色將晡。始治餐。田又以盛饌入。公子深感其意。與少年對食於室中。少頃。田忽張皇入室。曰。敝親誠不肖。又累公子矣。因指少年曰。是兒非卽某王府中之且也。受王身值若干。俱已浪費。故從敝親遠行。王怒。仰京畿追捕。急如星火。僕誤勸公子納之。今被京差窺見。以公子爲遁逃。王將逮去。見王。公子宜速爲計。言未已。洵者盡入。廡下。衣皆青。狀類應捕。公子聞王。大怖。神色盡失。田又出與衆語。安慰之。已有二人牽少年入室。加以肘鎖。如重囚。公子益駭。呼田與謀。思所以免禍。田有難色。曰。此曹眼孔大。區區者何能濟事。姑試之。出果遭捕人揮斥。且掌其頰。田不敢言。公子又挽之。田往復。

至三捕人始有允意。然索重賂。金且論千。公子雖震恐。力實不能。田又爲之關說。耐盡叱辱。議至八百金。方首肯。公子所携之數。半耗於舟車。前事既已告罄。因以餽饘爲苞苴。不敷則更質衣物。囊橐半空。甫能如數。捕人猶爭執不已。田懇之。乃繫少年北行。而公子則人琴俱亡矣。鬱鬱不快。而天已薄暝。卽宿其地。翌晨啟程。田早不辭而去。公子惑焉。視僕之行裝。俱若輕減。亟叩其故。多不敢置對。惟一僕答曰。前夕與某之僕博。獨田所負不贖。及田寢。吾儕始落下風。夜間宿此。因共計取償於田。不料局勢忽翻。田竟大獲勝利。約資數百金。遂瀉其裝。畀之令去。渠實飽載以歸。公子幸勿責。公子聞此。撫然有問曰。噫。予知之矣。詭譎離奇。此騙中之騙者也。乃戒僕毋洩。託言盜劫。抵都。以告諸兄。諸兄欲窮治之。公子又以所失無多。尼之。諸兄聽其言。反矜其量。而不知其別具隱衷也。居二年。公子始出京。再過其地。傳舍已更三主。前事不問可知。乃歎息而去。

武俠小說 勇中勇 虎頭輕死等鴻毛

寒光

去滬之西北不十里而遙。有鎮曰沈行。鎮東有宅。曰沈宅。沈氏有兄弟五人。力田之餘。習拳棒。五人故多力。藝成。以好勇鬪。很雄一鄉。其父老農。亦復多力。精拳技。以故人皆

畏之不敢撓其怒。號之曰沈氏五虎。宅北更三數里而遙。爲某鎮紳董孫氏宅。紳有子四。及一姪。幼延山東某拳師爲師。使子姪五人均習武。不數年。藝各大進。亦以五虎稱。四子曰季和。尤卓絕。爲人短小精悍。性慷慨。喜爲人鳴不平。惜微慳。常受人之愚。沈孫兩氏。係世交。不相犯也。有朱某者。鎮中之商人也。工心計。一日以某事受沈氏父子之辱。憤不能平。以與季和相友善。思說之。俾有以報而洩其憤。恐不得其許可。未敢遽以爲言也。一日邀之作滬游。飲之滬上之某酒樓。時當月夜。旁晚始歸。道經沈宅。時已黃昏。宅後爲廣場。有小溪。隔之。溪邊置有重約二百餘斤之仙人擔一事。時季和已薄醉。朱笑指之曰。以君多力。能舉以作旋風舞耶。季和曰。是易易耳。因伸其右足。思挑以起。而接以手也。焉知酒後足力弱。難以自主。仙人擔之中軸。以巨毛竹製成者。圓而且滑。着足脫去。滾入溪中。作巨聲而響。沈氏五虎聞聲而出。季和謝曰。酒後過此。足力既疲。乃不足以挑仙人之擔。而致滾入溪中矣。殊深歉仄。五虎同聲曰。旣下之矣。惟有赤汝足。入水取之起耳。曰。敢煩代雇一人。入水取之。余願出兩銀幣爲酬。曰。是安可哉。君亦習武有年矣。當知他人之武器。禮不可於未得其主人許可之前。加以妄動。蓋妄動他

人之武器者。卽賤視其主人也。今君既背禮。復投之溪中。在理已不可恕。徒以彼此本係舊識。情面攸關。姑予寬容。不加斥責。而君猶以爲未足。不肯入水自取之。起欲以兩銀幣塞責。豈非藐視我人耶。今明以告君。沈氏五虎。從不受他人之侮辱者。此間亦無君雇用他人之權力也。言時聲色俱厲。各含怒容。至此季和亦憤然曰。我孫氏五虎中。亦無懦夫也。此間既無願受我雇者。則亦已矣。余決不自下以取之。起。必欲謂爲藐視君等者。亦無不可以理信解決耶。以武力解決耶。一惟君等之命是從。余何懼之有。曰。是亦大佳。明日下午四時爲期。君敢來此一較量耶。曰。我何弗敢。別矣。明日再見。反身而行。朱某隨之。并伴以歸。翌日下午。季和果如約以往。獨行徒手。蓋昨宵之事。初未以之告其四兄也。不欲與之偕耳。既抵其處。見五虎各携器械。率衆數十人。聚廣場中。如臨大敵。卽亦無懼。挺身而前。五虎率衆圍之。曰。君誠信人也。惟既不携器。又無人偕。豈已自知其過。爲服禮來耶。季和曰。我何過之有。安用服禮。我亦不需人助。獨行佳也。若器則隨在而有。焉用携爲。言次冷笑不已。五虎見其不屈。各以目會意。而奮鬪以起。長虎持大砍刀先下。季和避而免。三虎繼進以鐵製之棍。季和乘間奪之。作旋風舞。諸械

畢下。悉爲棍。阻力弱者械且脫手去。而棍殊笨重。季和用以上下盤旋。迴護其身。速度既高。用力亦巨。久之腕力且不勝。思所以自脫之計。見長虎當其前。阻其歸途也。乘間以棍向其胸臆間力擊之。適長虎以刀砍其頭。着額上。而棍亦得以著其胸次。雖傷其額。未及覺。見長虎着棍微却。卽以棍掃去餘衆。乘隙而逃。既出圍外。且去其棍。望北而逸。衆不之捨。自後追之。適中途有缺口。地下陷及尺。季和以未及留意而仆。衆已掩至。械爭下。而季和以雀步遁去。衆不得逞。復追之時。且入暮。月猶未升。路途景色。已模糊莫辨。季和乃行其金蟬脫殼之計。脫其外罩之白色短衣於一土塚之上。改道逸去。衆以爲復仆於彼也。爭往趨擊之。旋知受欺。而已失季和所在。不得已相率歸去。沈老候廣場上。長虎謂之曰。余胸臆間。受季和之棍擊。殊覺疼痛。沈老曰。年在少壯。又何妨。速往洗汝足。晚餐去。蓋長虎不鞋也。曰。諾。遂下水步。臨溪流濯足。既已而起。驟仆。血自口鼻湧出。不已。逾時而僵。事聞於季和。遂深夜遁而之他。

武俠
小說

強中強 娘子軍中第一人

寒光

蜀中劉五。生有神力。祖若父均川中劇盜也。蓋劉氏業此已可十世。其恃以爲利器者。

爲鐵叉一柄。父以傳子。子以傳孫。幼而學之。長而行之。橫行千里之內。所往無敵。劉鐵叉之名震遐邇。萬山重疊中。出沒無定。官兵無如之何也。五幼即秉承家學。習於使叉。膂力既強。頗能如意。不數年而盡其技。年未弱冠。即亦習於爲盜。未幾父歿。五以用叉既久。頗能參以己意。蓋技已神矣。於是嘯聚徒衆。落草某山。夜出晝伏。劫舍打家。橫行十年。所往輒利。殺人亦無算。去山之西北二十里而遙。有莊曰穆莊。號稱富戶。會莊主穆老爲子娶婦。妝奩甚盛。五聞之。饑涎欲滴。比晚。率其同伴二十餘。持械往劫。明火執杖。幾同巨寇。既抵莊外。五執叉揮衆攻莊門。且呼嘯以壯聲威。地既荒僻。周圍數十里。內舍此無人居。以故五無所顧忌也。門破。衆蜂擁而入。門內爲廣場。有美一人。艷妝華服。持齊眉棍。立場之中央。眉目如畫。杏臉桃腮。弱柳腰肢。臨風招展。左右美婢十數。均執炬雁行立。光同白晝。持棍者蓋新婦也。見五等擁入。嬌聲斥之曰。何處么魔小醜。其多大本領。敢於明火執杖。糾衆行劫。不速去。無命矣。五掀髯大笑曰。豈不聞鐵叉劉五名耶。嬌弱如令孃。豈亦爛武事耶。然恐終非我人敵。深閨弱質。有此壯言。膽亦非細。然而劉五持此神叉。橫行川中。幾二十年矣。初非怯者。徒以叉既無情。徒夥亦暴。劉五雖

草莽中人。亦解惜玉憐香之意。誠不忍見令孃凝脂之膚上。流桃花之血。更不忍使雪膚花貌之美人。體缺肢殘。呼號婉轉。或竟斷送其如錦年華於鋒鏑之下也。我人志在得金。誠不欲作忍心之舉。苟令孃以萬金獻者。則我人之願已足。非然者。亦當袖手旁觀。任我人飽掠以去。決不令余無情之。又及勇敢之徒。夥傷及令孃毫髮也。婦冷笑曰。汝卽劉五耶。儂亦曾耳食其名矣。以爲三頭而六臂者也。豈知亦猶人耳。必不能當儂棍之一擊。不如去休。省却阿儂一舉手一投足之勞也。五至此已憤甚。怒目切齒曰。婢子不受人抬舉耶。劉五不汝恕矣。隨舉叉以刺之。婦揮羣婢退。已亦跳而免。五之伙伴羣起爲助。圍之而鬪。刀杖交加。婦舉齊眉棍。作天魔舞。轉動生風。衆均披靡。頃刻而五之徒夥傷者已過半。餘亦棄械而逃。五初以爲婦女也。易之。至此亦微駭。雖運又如飛。極生平之技。終難一逞。不能傷其毫髮也。旋五擬以計取之。佯敗。掩叉反身而走。女不之舍。追之急。五俟其相距既近。遽轉身舉叉以刺之。而婦已有備。疾以其棍擋之。棍着叉上。爲力殊巨。五腕力不能勝。叉脫手飛去。遂爲所擒。羣婢遂前。加以網縛。已。婦笑謂之曰。而今而後。汝當知圍中自有好身手。不受人憐惜者在也。汝旣被擒。任阿儂處置。

惟有兩途。官休乎。抑私休乎。五至此。羞愧無已。靦然問官休如何。女莊容曰。汝積惡已深。明晨送之官。以劇盜論。則無命矣。是爲官休。五戰慄曰。敢請其次。婦曰。儂隨嫁婢有十二。均嫻武事。刀劍之屬。無不能且精。惟又無人授。汝甘私休者。明日起。居我莊上。授婢以又。藝成而去。賞五百金。惟須改業。否則阿儂力足以制汝。不汝恕矣。五聞語。叩頭如搗蒜。以願私休自陳。并立誓悔改。終生遂不復爲盜云。

家庭疑中疑 小家庭內風波起

游廬

粵省前臨珠江。北岸一帶長堤。綿亘十里。風景絕美。茶樓酒館。妓院歌場。凡足以娛人歡樂者。靡不應有盡有。遊客往來。肩摩轂擊。絡繹不絕。遂成爲省會中一絕大市場。一日傍晚。有一鼻架鋼絲目鏡。獸頭獸腦之男子。自A街C營中。公畢回家。至西堤轉折處。聞人言某大洋貨公司。開十週紀念。設有廉價部。隨客觀覽。男子心想。日色尙早。歸家亦不過蛾眉相對。並無要事。不如前去遊玩。但恨充當軍營書記。差微薪薄。月僅二十圓。俱給予妻使用。予妻猶疑予私藏。諍詬時聞。詎知予之錢囊。十日九空。今日雖遇廉價之機會。恐亦入寶山而空回耳。涉憶午後。有友雀戲。予偶湊份。竟得小銀圓九角。

遂將銀圓取出。細玩一回。見無偽造假幣。始仍置囊中。直向某公司而來。心裏又想。予妻每責予運乖。不能得意外之財。乃爲數雖微。然在廉價部購置物件。其價值當在三五元以上。予妻見之。當不知若何欣喜。思及此。不覺心花怒放。足跡雲騰。入某公司。徑至廉價部。紅男綠女。笑語喧嘩。鬢影衣香。珠圍翠繞。男子不暇細顧。但見綺羅紛列。適用異常。卽揀一極鮮艷色之粉紅絲巾。定價僅兩角。一瓶法國巴黎名廠製造之香水。定價兩元。照碼兩折。亦只小洋四角。男子細觀香水清碧。惟商標畧舊。其價之廉。卽此之故。購斯珍寶。獻媚後宮。亦無心復蒞他處游覽。匆匆遄歸。途中更想予妻待予。素持嚴苛。予偷徑告以廉價。是自取輕薄。卽成笨伯。不若悄悄將香水置於鏡臺。又將絲巾悄悄塞於彼之衣袋。彼於無意中見之。必當震驚片晌。細細賞玩。而後輕啟朱櫻。問予曰。曠此貴重粧飾品。汝果費錢若干。予當使彼猜之。彼若猜兩元。予卽告以四元。彼若說是四元。予便極力贊之曰。予愛汝真水晶心肝。玻璃人兒。一猜便着。那時彼必杏臉生春。雙渦圓暈。含無限感謝之誠意矣。虛描暗寫。十分快樂。行走如飛。衡宇在望。擬效千金買笑。誰知一鎖橫門。幸有同廬張媽。語以汝家太太。今晨往某公館竹葉戲。恐汝

歸來。鑰匙留在予處。男子怔忡移時。悶悶啓門而入。將香水瓶塞拔開。傾諸巾上。覺奇芬噴溢。卽擱在鏡臺。絲巾藏於其妻便服囊中。祇待其妻歸來。賞鑒珍品。以博歡趣。無何夜色沈沈。窗暗燈明。黃昏易過。孤枕三更。乃由悶生急。由急生恨。不禁將虔奉女菩薩一片誠心。修成冰冷。卽取香水鎖在自已箱內。絲巾藏之自己袋中。解衣就寢。久之其妻始歸。男子詰之曰。歸何遲也。妻冷笑曰。試問早歸若何。遲歸若何。豈汝暴富。而待予爲之窖藏耶。河東狂吼。百獸震攝。男子早悄然而入睡鄉矣。次日晨起。妻將梳洗。聞一陣奇香撲鼻。深爲詫異。舉目四矚。瞥見其夫長衫袋口。露一紅巾。取視之。覺絲縷光明。清芬馥郁。微有褪色痕跡。似曾經圍閣手澤者。訝曰。偌大絲巾。價必昂貴。窮措大何能備置。是必由人投贈無疑。粉紅絲巾爲婦女所用之物。是投贈之人。其爲婦女又無疑。疑婦女而以常用之絲巾贈人。其有特別交情更無疑。由是一想。妒念頓熾。因思效齊人之妻。矚其良人之故智。以觀其究竟焉。是日適逢星期。男子至日中方起。見其妻顏冷如鐵。不敢趨承。飯後悶悶無聊。卽披長衣出門。以訪友語妻。緩步閑行。卽向長堤而來。意欲至某公司。作重遊之客。忽聽後面人聲喧嚷。回頭一望。恍惚見人叢中一著白

官紗衫之女人。似其妻子。返身審視。却又不見。剎那間見其妻正往前行。男子愈看愈真。疑心頓起。遂緊從其後。以窮行止。誰知行不數武。見女人步進酒店。男子不覺大怒。蓋粵省酒肆。卽爲旅客止宿之地。亦卽爲藏垢納污之所。男子雖癖同季常。當時亦不復懼怯。女人登樓。亦隨之登樓。至第二層。女人入一房間。門隨深閉。男子忿火直沖。盛氣敲門。其意以爲當場破獲。可以振作乾綱。一刷平日爲巾幗奴隸之恥。詎料門啓處。一頰髮老兒。旁坐一艷麗女客。與其妻服飾雖同。面目全非。遂自認冒失。倉皇而遁。乃男子被人斥逐之時。正其妻被人輕薄之候。蓋其妻之粉紅絲巾。已十分動疑。及見男子飯後。匆匆訪友。越發疑慮。卽暗隨其後。見男子向長堤而去。更覺萬分可疑。因男子之朋友。大半住在城內。遂前步亦步。前趨亦趨。及見男子回顧。卽隱身於一店前方柱之後。少頃。果見其夫從一女人。其衣色與己相同。容貌則較己尤麗。爐火中燒。疑陣四布。從之相離已遠。但見其夫與女人。入一酒家。隨踪跡而入。因思酒家房間極多。不易找尋。卽向櫃上詢之曰。刻來一身穿官紗長衫之君。開在幾號。櫃上答以四層樓八十號。乃直上四層。至八十號前。推門直進。內僅一濃髮豐肌之執袴子。不禁愕然。執袴

子笑問找誰。乃含羞答曰。我找S君。彼所開是否此間。紈袴子聞言。忙起身讓坐曰。頃S君有事外出。與我交好。盍少待乎。妻即側坐於門旁椅上。紈袴子送茶送煙。殷勤萬分。妻以爲其夫好友。亦和顏對之。紈袴子即移坐近旁。百般逗笑。竟至伸手摸索。方知被騙。推手奪門而逃。飛歸家中。見男子已先回。因思伊必知予找尋。故先我而返。男子見其妻歸來。臉猶發赤。亦自思曰。予方返。何以渠亦即返。豈渠於進酒店時。見予從其後。不敢過於逗遛耶。自是男子對於其妻。萬分疑惑。陡得一計。謊說營長因公晉香港。派予同往。約四五天。方得回來。今晚尚有友人請宴送行。言畢。匆匆自去。其妻聽言出。驟笑。知非真忱。想因日間知予尋蹤。不克與該婦暢叙。故譌託奉公。以作數夕幽會。迨晚餐畢。即至某公館內。倩人通電話於C營中。詢其夫行踪。答以營長公出。並無其事。S君今晚住在城內同安旅館云。妻聞言。益信其揆度之無誤。乃回家著衣。閉門欲出。然思深夜空房。恐不安當。躊躇移時。因將其夫與自己舊鞋。置於床前。紗帳低垂。燈火明旺。雖有竊盜。亦不敢心萌妄想。竟謂如此空城之計。較諸葛退兵。尤爲巧妙。佈置已畢。即向城中而去。孰意其妻去時。其夫早已返至左近。欲窺究其妻果否不端。有無外

遇悄悄至自己房前。隙處窺伺。見房內燈火輝煌。蚊帳下垂。床前有男鞋女鞋。雙雙並置。不禁大憤。卽欲直擣黃龍。擒捉奸淫。然思奸夫毫無顧忌。定必有恃無恐。予若冒昧從事。恐反有性命之憂。不如往營中借一手鎗。以爲防衛之具。較爲妥密。遂返身出外。行未及半。忽遇一女人。大爲驚異。曰。噫！汝！女人亦駭然曰。噫！原來是汝！女人爲誰。蓋卽男子之妻也。良久。妻對男子曰。好好。今不返家。尙何待。男子無奈。祇得行婦倡夫隨之新禮制。回至家內。其妻卽縱聲大哭。曰。汝在外宿娼。尙以僞言欺我。試問汝之良心安在。男子尙在疑夢之中。忙加寬慰。曰。今天予往香港。雖未實行。第宿娼一層。予却未曾。其妻蛾眉倒豎。杏眼圓睜。大聲曰。汝尙抵賴乎。卽於男子衣囊中。取出粉紅絲巾。復嚴詰曰。此是誰物。何爲入汝囊中。嫖宿娼妓。證據的確。汝尙抵賴乎。男子又忙爲解說。曰。此予在長堤某公司廉價部內。買來給汝也。汝若不信。衣箱內尙有香水一瓶。汝其驗之。妻曰。汝旣買與予。何以置於箱中。又何以時隔一日。並不提及。今被予測破。花言巧語。誰其信之。號咷大鬧。以致男子百口莫解。由是小家庭中。疑雲四起。風波頓興。雖馨南山之竹。亦不能一一紀之矣。

烈節 貞中貞 千載馨香事亦傳

澣 廬

燕趙古稱多佳人。以予所見。都城而外。其邨居而野處者。苟非黃面瞿曇。卽是黑頭包老。鮮有一白皙可觀者。抑且癯瘦擁項。何問鱗鱗。復履撐舟。可知蓮瓣。蓋亦風土淳朴之故也。惟玉田一少女。盈盈十五。貌頗軼羣。雖非瑩玉之光。尙存天桃之色。乃余再經其地。聞已適人。且守貞而死。心竊憫之。詰其故。則其翁聶姓。曾業儒。迂腐執拗。爲文三十載。莫博一名。因棄而歸農。生一子。頗有父風。亦窮年未通一經。卽女之壻也。喬梓之間。互相標榜。父謂子爲芝蘭。子以父爲薑桂。父之所可。子亦從而可之。子之所否。父亦從而否之。劍立臆說。譏刺短長。人有美。且鰥鰥弗許。人有惡。卽刺刺不休。是以取憎於鄉。同井者胥爲之傾目。自女子歸家。益貧薄。藜藿薪樗之采。皆女躬親任之。媪又病廢在床。不克偕往。以如玉之姿。行中林之地。保無有誘以死鹿者。然女性貞淑。言笑不苟。而鄉風近古。法律綦嚴。人固無能犯。而亦無敢犯焉。乃翁有妻姊某氏。其家與翁居相錯也。生一女曰二姑。輕嫿而性蕩。施粉塗朱。巧笑貌顰。里中少年。咸以口舌有嘲弄。因與翁家爲瓜葛。凡女之出作。姑必與俱。而佻者自佻。莊者自莊。各執其事。不之顧。時值

新秋。秭穉茂密。女將往采菽。以供午餐。盡燕薊之地。田間雜植。蔓引於梁木之上。如附番之蘿。結莢可茹。農家以爲常品。女欲呼姑。既已先往。乃獨往披禾而入。采未頃。俄聞笑聲吃吃。似在左近。因大驚。疑有惡少窺己隻身。將爲掩襲之計。及攬密稽視之。見姑鞠躬如磬折。隱約之間。狀如大解者。初不意運理之技。僅覩其半也。因笑而相喚。兩人俱大駭。謂女已窺見底裏。姑亦不敢應聲。徑穿阡陌。倉惶遁去。女猶不悟。訝其避已。尙以爲匿迹禾中。聊相嬉戲。遂輟采往覓之。竟不見。比歸。遇姑於途。乃笑而謂之曰。亦太疎狂。獨不畏人之見之耶。姑面色驟赤。心益疑懼。爰乘間謀之所歡。曰。春光洩矣。可若何。渠姑與吾母姊妹也。渠翁性乖戾。鄉鄰有小過。輒斷斷而道之。況姻婭而有是事乎。予父母必置予於死地矣。言竟。嬌泣不已。其人齊姓。故無賴子。非鄉中人。家於邑城。甚饒裕。緣視佃人刈穫。始來此。見姑與女偕。心大動。旣而聞弄父子之階厲。而女又端重不佻。似不可以猝得。遂假途於姑。原以圖女。殊非得隴而始望。蜀者。聞言大喜。乃謂姑曰。若懼乎。是在人謀。倘以計兼致之。則弭其口不難矣。姑以首示之意。徐曰。是誠不能。渠夫年正壯。琴瑟綦調。非如我無人操縵者。且言不涉邪。與之語房帷中事。輒頰

赤而疾趨。女伴猶然。妄男子可知已。齊曰。不然。渠家甚貧。婦性如水。偷以利誘。而更以情慫動之。渠將自銜不遑。奚難耶。姑勉從其言。齊以銀幣授姑。且授以計。嗣是有貨物來郵者。凡闖人之所需。及一切飲食。姑必呼女共觀。市以相遺。女堅不肯受。而訝其揮霍。或微問之。姑笑而不答。閱數日。齊於新築場上。集邨中牧牛兒。爲蹴球之戲。琢石爲之。以雙丸相擊爲勝者。瞥見女與姑冉冉而來。時將往挑野蔬也。齊止姑。立而與語。授以腰囊。冀女見之。女早疾行而前。相去不止數武。姑因故以示女曰。若人太厚情。得之羣兒者。悉以畀我。將何以酬。女自是疑姑有私。稍稍遠之。而姑與齊亦疑其先幾規避。陰謀倍亟。無何。場功伊始。女奉翁媪命。往春麥。以已荏弱。不得已借助於姑。及昏未竣。女懼翁責晚食。暫歸而乘夜復往。乃姑與齊已造謀。百般挑逗。女羞忿畏怯。不知所出。遂不顧其麥而歸。姑見女堅不可動。益惶悚曰。前日之目。旣不可掩。今日之事。愈不能忍。弄醜當場。究無濟於大事。奈何。齊思之良久曰。事急矣。非強致之。必不可挽。嚮晦聞聶翁飲於鄰家。醉已不起。其子又在田畔。倉卒亦不得歸。渠家一嫗。因病早入睡鄉。何能爲。子盍導我一往。務隨吾心而後已。姑勿遽不審所可。徑從之。及抵聶家。門戶素稔。

潛啟其扇。徑達女房。燈猶未盡。知其就寢。低喚曰。嫂何舍之遄歸。予亦將之來矣。女聞姑聲。意其以麥至。坦然啓扉。姑先入。齊繼之。女燾地見齊。知懷惡意。大怖欲號。姑亟以手掩其吻。齊遂極力擁持。致之於榻。將行姦。女恚甚。突以手爪刺其頰。血跡殷然。齊亦怒。兩不相下。向袒服半繫。猝不可解。而無瑕之璧。深護橫中。青蠅不得遽玷。相持既久。漏已三下。姑懼。聶父子歸。欲舍之。齊究不甘。將席地而就之。少遂其私。探手纖腰。欲斷其帶。女忿氣中激。反較前愈暴。傷及齊之眼。睚。齊覺痛不可當。亟釋女。反身欲行。遽以足踢之。中女左肋。始恨恨與姑俱去。女既負傷。心更火熾。將起而就榻。億莫能興。有頃。聶子扶父歸家。侍父寢。遂入己室。見女臥地上。雲鬢蓬飛。花容搯土。乃失色驚詢其由。時女已能言。因縷縷敘述其事。聶聞之初亦憤不能平。及徐以手探女衣。帶其褊矣。固未絕也。聶素迂。嘿然內念。轉以生疑。反不以完趙爲功。而竟以誑楚爲惑。卒然問曰。若婦人也。遭一壯男子。庸詎能免。女聞言。氣填胸臆。乃曰。妾果不免。君何以知之。聶忿然作色曰。天下惟處子可辯其貞淫。汝旣適人。復何能辯。矧帶居隱微之地。今乃不絕如縷。自謂能免。誰其信之。女負屈莫伸。極口與爭。痛詈姑與齊。力竭聲嘶。而醉中之翁。病

中之媪。則固不能不覺也。聶愈大怒。取室中短挺。撻之十數。聞父厲聲詰問。乃趨出約畧述之。而隱姑事。翁贊之曰。明鑒哉。予之子也。否則幾爲所蔽哉。媪聞女語。侵姑亦發聲叱之曰。是何言耶。二姑一女子。將以字人。汝婦以片言。悞人終身。能無深痛我心哉。聶恐傷父母心。旋返室。拳掌交加。令女屈服。女既遭齊踢傷。又復試聶毒手。創深於外。氣結於中。漸不能堪。乃大呼曰。聶某天日在上。予不負汝。汝誠負予矣。竟瞑目不語。視之。則已氣絕矣。翌日。聶卽以暴卒。訃於女家。欲具棺入殮。女父察其情而故止之。立控於官。飭仵檢驗。指出生前受創。證據昭然。聶又堅不肯承。適齊與姑姦。爲其父所執。亦鳴於官。官嚴刑審鞫。廉得其實。乃以聶子無罪。斃妻。齊與姑逼姦致死。俱論抵。且須女立祠以表旌之。由是女之冤屈。既已水落石出。而女之貞烈。固足與日月爭光矣。

社會小說 苦中苦 恐爲雙兒目未瞑

寒光

距滬西某鎮不二里而遙。地處荒僻。阡陌縱橫如棋局。風景亦復不惡。道旁茅屋一椽。檐與肩齊。昂首殊弗能入。寬廣亦僅及丈之半。謂之曰屋。殊弗能稱。大類棲雞之埒也。頂上之稻藁。呈其憔悴可憐之色。檐下之柴扉亦然。若表示其歷時既久。飽經風雨者。

戶外止有人力車一輛。亦已舊敝不堪。黑色之漆。半已剝落。若示人以載客既多。奔波已久。元氣既喪。不堪復用者。時則晨曦甫動。東方微現魚肚白色。路絕行人。林鳥未醒。萬籟無聲。景至幽靜。而此茅屋之柴扉。倏啓。隨有一蓬首垢面。雙目灼灼之男子。自內出。衣破舊之短衣。補綴已不下十餘處。而肩仍外露。有既經補綴而半已脫落者。片片上翹。微風拂之。作蝴蝶舞。袴亦如之。赤足不鞋。面既黧黑。且有飢色。既出屋外。捫腹微歎。顧車自語曰。一家四口。米貴如斯。終日奔波。不得一飽。昨夜晚餐。代之以麵。猶未果腹。茲且作雷鳴矣。而無可以爲食。將何以任奔波。言已。淚如雨下。蓋其中心之痛苦。有難以言語形容者在也。旋又續其詞曰。我妻及二子。苟斯時醒者。飢腸亦必轆轤。在我妻猶可強忍。而二子年既幼稚。飢且索食。如不得食者。必且號泣。此號泣之聲。悽以厲。入我耳鼓。我心殊痛。我惟有忍餓枵腹。拉車入市。以覓乘客。求得數銅元。仍購麵以歸。聊供我人點膳。勿使我二子啼飢也。然而爲時過早。人方高臥入市而後。恐難卽得乘客。且我車已敝。行時東搖西擺。坐其上者。必且震撼弗寧。尤爲人所不喜。招徠主顧。事屬大難。所望天佑我人。出門利市。卽得資購麵以返耳。言已。昂首視天。若求其憐憫。加

以幸運者然。而天殊無語。則又爲之長歎。蹙而前。就車柄之內。執以手舉而起之。覺重於常時。拖之以行。兩腿亦復沉着異常。如疲憊已甚。而不甘用命者。則又蹙額而言曰。我其病歟。何力之驟減也。更自爲置答曰。否。否。何病之有。惟患飢耳。苟得食者。我力且暴長。而手足用命矣。然不入市。莫由得資。以易食也。我其勉自興奮。力趨以前乎。遂挽以行。一步一趨。若受鞭之馬。車輪着地。作聲麟麟。而搖擺勿已。若鐘上之錘也。此可憐之車夫。入市而後。止車道左。以待顧客。俟之久久。終不可得。餓火中燒。復念及妻若子之嗷嗷待哺。中心之焦灼及痛楚。乃非可以言喻。有過其前。必呈其苦笑之狀。以詢需車未。而人皆掉首不之顧也。迨及旁午。始得一顧客。載之行。拼命奔馳。及數里之遙。而止。已力盡筋疲。頭目暈眩。不自知其置身何許矣。得銅幣七八。易麵斤許。藏之車箱之內。拖車以歸。則二子方號泣於檐下。以爲飢也。停車而取其麵。以之示二子曰。熟之。卽得食。速止汝哭。二子年猶幼稚。長者方七齡。幼者則五齡也。拭淚而言曰。得食果所欲。阿母匍臥已久。呼之不醒。問之不答。狀殊怖人。車夫聞語大駭。急入視。則其妻果僵矣。敗絮之上。陳失頭之火柴梗。纍纍。蓋服毒以死者也。爲之木然。旋佯謂其子曰。爾母

睡耳。行且醒。哭何爲哉。余今將煮麵以食汝等。廚下積薪且盡。汝二人可提筐往覓之。以備熟晚餐之用。去此西北可半里之土邱上積薪果頗多也。童子無知。竟信爲眞。嗚然應。相率携破筐去。車夫俟其去遠。撫妻尸大慟。旋亦自經以死。脫離此苦海而去矣。所難堪者。兩小孩耳。從此雖謂他人父。而亦莫之顧矣。

滑稽 小說 趣中趣

風流猶想牡丹花

澣 廬

清末粵間有二命案。均極有趣。可發一笑。其一爲強姦致死。審其實。則死者非牝乃牡。致之死者。非雄乃雌也。蓋粵東地鄰苗疆。風俗野蠻。有某甲者。臬署之承差也。貌白皙。年僅廿二三。捧檄催某縣案卷。行程苦熱。小憩於樹下。袒裼偃臥。俟涼而後行。適遇苗家婦女。姑嫂宛若共三人。挑菜而來。見甲肉色如雪。咸悅之。省中皆熟苗。可通情話。甲以走卒素習此。浮詞相挑。遂野合於綠陰深處。娣姒爭先。姑以女子獨落後。然覩嫖褻情狀。早不自禁。甲自負色中下莊。可刺三虎。無如精力已竭。至女竟委頓不起。女情極。百計撫摩。究難振作。墜頰益增。一時忿忿不已。謂甲薄已。以刑菜之鏟。很割厥物。隨手而落。其嫂皆不及防。甲遂死於牡丹花下。二婦大懼。方牽女思遁。而行人踵至。見血漬。

詰得其狀。擒以首官。甲雖少魁。踰日當死。官因以戲殺置女於法。至於閩案尤爲趣甚。某縣宰檢驗一屍。項下胸前。致命數傷。固其常。惟後庭方寸地。以刃穴之而去。洞然無餘肉。宰愕然。詢之兇手。不少諱。竟毅然曰。刳之矣。訊以安在。又毅然曰。烹而食之矣。宰駭且笑。詰曰。此何物而可啖。得毋欺甚。對曰。非敢欺也。死者年十四。吾悅其色。誘之以利。遂成姦。自是飲食衣服。無不取資於吾。吾猶惴惴焉。恐不當彼意。以此耗散予家。父母詈我。妻子怨我。戚族不齒於我。維渠之故。今未弱冠。而棄我如遺。欲與之歡。始猶規避。漸且拒絕。再強之。則老拳將奮矣。情實不甘。給以他事與之游。乘其無備。刺而殺之。既而思敗家之由。見絕之速。刳此歸付釜鬻。烹而下酒。始洩此忿。今日雖萬死不辭。供訖。公堂上下。無不粲然。庭鞠再三。矢口不移。宰因事甚猥褻。刪之弗錄。僅以姦殺具詳。而責令尸親掩其骸。迄今入幕之賓。囊琴而遊兩地者。一室晤對。猶舉此以爲趣談。

孽情
小說 孽中孽

削髮入山亦枉然

寒光

湘南褚生。賈人子。少美丰儀。父賈於蘇。娶蘇人李某女。旋遷回故鄉。生年十六。隨母歸寧。居舅家。越時甚久。比鄰徐氏有女彩霞。年與生相若。桃腮杏臉。體態苗條。美之者有

明珠仙露。生間出。數遇之。眉目傳情。私相期許。晤面既頻。情芽茁。踰牆穴。隙。遂涉非禮。而結孽緣。曾幾何時。生父來蘇。將接其妻子以俱返。生以與女情好方篤。豈風驟起。吹斷情絲。心傷無已。以迫於父命。莫敢誰何。惟以小影一幀。遺女。作臨別之紀念。關山遠阻。未卜重來何日。生離死別。慘莫甚也。事隔七年。生以外祖母之喪。復隨嚴父。慈母到蘇。及願女居。則已如重來。崔護有桃花人面之感矣。訪之鄰近。亦不得確息。回念舊情。爲之愴然。更越十稔。生已子女滿前。於女雖已事過境遷。然偶一念及。猶未能忘情也。時以嚴父去世。思所以克承先業者。携鉅款。隻身來滬。將經商於此。友朋酬酢。偶涉花叢。有雛妓名蕙英者。玲瓏嬌小。貌比花研。生見之。似曾相識。彷彿徐女當年。愛心遽熾。擲鉅金圖一夕歡。蕙英亦曲意媚之。翡翠帳中。魂消真個。恩情無限。生如劉阮入天台。反恨良宵苦短。來朝夢醒。回顧蕙英。猶星眸未啟。好夢未回。玉臂橫陳。青絲委枕。嬌喘細細。香澤微聞。頗覺媚態動人。魂蕩無已。瞥睹其枕函之底。微露一厚紙之角。掩映髮際。隨以二指夾之出。則一長方形之像片也。色已陳舊。作可憐紅。若表示其閱時既久者。影中人雖已模糊。然猶隱約可辨。赫然十七年前己之化身。遺之徐女者也。果

何爲乎來哉。不禁駭甚。推蕙英使醒。將以影之由來叩之。蕙英以生之力撼。自睡夢中驚覺。棠睡初醒。倦眼惺忪。頻以玉指擦之。聞語睹狀。俯首沉思。紅暈眼圈。珠淚隨下。生亦不暇加以慰藉。力促之言其底蘊。蕙英始慘然作細語曰。嗟夫。天此儂父之影。儂母彌留時舉以授儂者也。生驟聆斯語。如觸麻醒之藥。知覺立失。色亦立變。然猶力自鎮定。以示無他。非然者。以當時情境。且無以爲地矣。蕙英言時。初未目生。以是於生之變色。亦未及覺。更續其詞曰。初儂母少時。曾失身於一美少年。湘人褚某。未久而少年別去。臨行留此影以作紀念。實不知儂母已有孕。即儂母亦未之及覺也。褚去而儂母之腹日以膨大。莫能自掩。嚴厲之外大父。惡其胎門第羞也。將置之死地。儂母乃潛逃。欲覓我父。而關山遠阻。苦不得達。及滬而止。未幾臨禱。儂乃入世。儂母以針滯自活。且以活儂。艱難困苦。莫可言狀。訪尋儂父。終不可得。憂愁鬱伊。積久而病。遂以下世。儂時方九齡也。比鄰張媽。自命好人。養儂爲義女。實則以儂色美。將以爲錢樹子也。及儂及笄。遂迫儂墮入風塵矣。儂母臨命。始以所歷語儂。并以此影見遺。囑爲尋訪。以求得所歸宿。然而越時既久。儂父存亡。殆不可卜。即或健在。亦同海底撈針。何從捉摸。貴人亦湘

人便乞爲儂訪之。然儂早以爲絕望。初不敢存必得之奢願也。生聞女語。覺字字刺入心坎。悲痛無已。以己不德。致使此大好兒花。墮入泥犁地獄。而已亦有此獸行。更覺無面目以對其親生之愛女。籌思有頃。推枕而起。披衣下床。詭言他故。別女而去。茫茫然行。喃喃呼孽孽不止。既抵寓所。囊括所携。悉用女名以存之。某銀行。而以存摺郵寄之女。并附以二書。一致其女。勸其速返。一致其愛妻訣別。并囑善視女。而已則削髮入某山去。以圖補過。而償此孽中之孽債也。

滑稽

假中假

演來才子風流事

寒光

小說家憶紅生。年少貌美。寄居滬濱。著述頗富。嘗假憶紅女史名投稿某雜誌。并以其最得意之化裝小影。拈花微笑。圖附之篇端。書出。閱者爭購之。名重一時。一日有署名憐紅女士者。致書於此假冒之憶紅女史。贊美其著作之佳。爲閩中人生色。并求引爲膩友。結翰墨緣。書外更附以肖影一幀。亦作拈花微笑狀。個中人體態苗條。手姿絕世。眉目含情。栩栩欲活。以之與生之化妝小影較。有過之無不及也。以是生頗喜甚。卽作書報之。文筆典麗。情意殷渥。仍託爲女史。署憶紅之名。由是鴻來雁去。忙煞郵夫。而彼

此之情好。藉楮墨以漸篤。憐紅曾於第某書中。自述其身世。謂出自大家。實猶未嫁。憶英亦僞以身世相同報之。而憐紅書來。則有彼此情好既篤。兩心相印。頗以同是女兒身。不能相圖共命爲恨之句。憶紅爲之心動。至欲自明真相。以乞婚於憐紅。恐憐紅之惡其出以欺僞。而致決裂。因不敢發。爰擬招之以來。先圖面晤。然後乘機要之。使難推却。遂以賞花爲名。函邀憐紅於某日。枉顧。憐紅覆云。神交既久。早欲獲一良晤。既承寵招。自無辭謝之理。惟是日日間。適有他事。不克分身。準於晚上趨候也。云云。憶紅得書。喜躍欲狂。誠恐面晤之時。遽示憐紅以真相。則彼且望而却走。因先期備女子之衣飾。以便喬扮而延憐紅。情意既達。始以本來之面目示之。進言求恕。庶易爲力。幸憐紅許以晚來。人處燈下。雖有破綻。總可掩飾一時也。憶紅獨居滬上。貧得一椽。平時本有僕婢各一。預爲嚴囑。於憐紅蒞臨之時。須加意留神。主人之稱謂既改。毋使稍有錯誤。以致疑於個儂。佈置既妥。憶紅翹首以待。是日之至。及期。憐紅果至。憶紅作女學士裝出迎。既相睹面。頗見歡浹。愛好如舊相識。憐紅衣碧羅衫。曳長裙。祇至委地。花枝招展。飄飄欲仙。憶紅爲之魂蕩。憐紅含笑以睇之。似亦驚其艷也。主客既各就坐。憶紅之婢奉

茶已卽入內室捧腹去。堂中惟二紅。遂開始談話。寒暄既罷。漸入深談。旋憐紅有言曰。前妹致我姊書中。有頗以彼此同是女兒身。不能相圖共命之句。而我姊覆書於此。亦復深表同情。斯事有諸否乎。未識我姊尙能記憶否耶。憶紅聞語。怦然心動。以爲鰥生正欲由此入手。以爲要挾。不期此曼妙之個儂。反先以此爲言。中心喜悅。殆難言狀。急含笑以答之曰。誠如姊言。爲時未久。安得驟忘。以彼此惺惺相惜。情好逾恒。此種思念。自必油然而生。莫之能止也。使我姊易釵而弁者。則儂且委身以事之矣。儂而非女子身者。想我姊亦必許予下嫁也。我姊以爲然乎。憐紅嫣然曰。我姊見愛之深。或未必若是。使妹果丈夫者。竊恐却走不遑。而未必願於下嫁矣。憶紅急曰。否。否。此特我姊之心耳。以已之心。度人之心。姊之謂乎。憐紅瞿然起曰。若是則鰥生果丈夫也。以仰慕我姊之才之貌。故託名爲女。以締交於我姊。并寄我姊以化妝之小影。以堅其信。今復以赴我姊之召。矯扮前來。既蒙厚愛。敢示真相。我姊願甘下嫁。已言之在先。當不致自食也。欺僞之罪。尙祈我姊恕之。憶紅聞語。愕然。繼忽拊掌大笑。笑聲乃弗類女子。憐紅亦立悟。捧腹至於久久。二人之假面具。遂以揭去。而假中假之活劇。亦遂以告終。

黑幕 幕中幕 何如知足守吾財

澹廬

生平今之時。處乎今之世。人情如夏霧秋羅。人事如白雲蒼狗。黑幕重重。隨地密布。而滬上爲尤甚。滬地人民雜處。薰蕕不齊。其下等社會無論矣。卽如中等之商場。亦莫不有黑幕。欺詐萬端。虛僞百出。使人之入幕中者。不之。言。亦不之覺。今試述一黑幕中之黑幕。其怪奇離陸。洵神妙而不可測者。樂某甬人。擁有十萬金。年少好動。喜居滬上。與友人合資。買地建屋於南成都路。鳥革翬飛。煥然燦然。某遂食於斯。寢於斯。而家於斯焉。寓居日久。交游漸廣。某固斤斤自守者。有說以經營事業。恒婉言以却之。惟早歲曾讀洋文。故常對於洋行營業。言次不勝歆羨。其友林某偵知之。高談闊論。投其所好。蓋林固充洋行買辦之職。而負有虧折。一時無可移挪。極力慫某爲銀行經理。某爲所動。遂以銀三萬兩爲填款。未及期年。林以病卒。而某之金錢。大半抵林之虧款。洩人說項。始得該行主之口頭揭賬。謂林某尙存有九千兩。惟樂某不得直接領取云。某固不悟。復以銀二萬兩授林之親戚姜某。屬其經理。不數月。資本告竭。某始憬然知懼。而猶未悟其中之有黑幕也。因前次林所經手者。尙未歸束。剩有九千兩。可以領取。乃懇朱某

邀同林之妻子。前往領銀。朱屢巧詞游約。延宕年餘。不知此九千兩。早已不翼而飛矣。居無何。朱某以一窮光蛋。一躍而充太古行某輪船坐艙。凡向之奔走於樂之前。如姜某者。靡不有所位置。詎朱奸偽較甚。逾數月。虧折殆半。姜某輩懊惱萬分。乃驅逐朱某。以所餘四千五百兩。合力經營。公推陳某爲坐艙。當姜某輩與朱某意見不洽。僞情顯露。而樂猶與朱某姜某。稱朋呼友。始終不悟。噫。倘所謂愚而好自用者歟。

家庭小說 秘中秘 一家肥瘠同秦越

澹廬

王某湘產也。商於滬。以米業起家。遂家於滬焉。生二子曰福曰祿。設肆數處。家道日隆。及某歿。二子俱已成立。福娶巴氏。祿娶干氏。巴雖出自望族。擅於狐惑。干固小家碧玉。罔識禮義。妯娌之間。互相猜忌。雖未至反唇譏誚。而約公肥己。各自營私。不顧公衆之事務。自某之歿。福祿仍合炊而居。店肆之事。則分任之。一日。福自肆歸。携一大皮篋。匆遽入室。巴則嬉笑相迎。若有意外之樂事者。干見而疑之。潛至窗外。竊窺之。福方開皮篋。將其中所有。陳之於几。若者爲羅。若者爲紗。若者爲綢。爲緞。若者爲錦。爲紡。其色粲粲。其華采采。皆最合時式。大半不知其名。名。巴視此而稱好。執彼而呼佳。且聞其囑福

曰。汝當三緘其中。不許向汝弟道。及汝其記之。言畢。取十餘匹緞紗。藏於厨內。語笑欣然。自以爲收藏於密也。不知干已有目共賞。迨夜間。祿亦歸宿。干就床頭細訴之。且囑祿置金珠數十事。以實私橐。逾數日。祿亦遂數置。就於夜歸時納貢。巴適內急如廁。見櫥氏房中。燈燭輝煌。就門隙窺之。但見桌上累累者。皆黃金白璧。所值不知其幾何。尤而效之。巴固擅長。由是福祿各置私產。巴干各置私物。數年之間。以致鞏固不敗之家。庭。驟陷於危險之地步。所設各肆。非資本空虛。卽盈餘無著。夥友中有老成忠盡者。多切導而謹戒之。福與祿不特不聽其言。且以爲其異己。託故却之。噫。私之爲害大矣哉。夫私未有不秘者也。觀王氏昆季。承父遺產。甘心敗業。而其秘中秘之鬼頭鬼腦。情形醜。殊不值有識者一笑焉。

黑幕 小說 駭中駭 兩地驚心來意外

寒光

梁溪魏生。求學滬濱之某大學。其未來之愛妻。亦肄業京師。本係舊識。訂婚而後。精好益增。以京滬相去遠。未能常相晤聚。時藉尺一書。以通情好。同學某生。好探人之秘密。知其事而艷之。思欲探得個中消息也。該校例。學生之來信。苟非掛號快函。悉彙插於

閱報室中之信插上。以待受信人之自往認取。某生固得以從中施其技。探得個中之秘密。知個儂蔡其姓。芳名靜貞。書中語多涉於戀愛。誠多情人也。性既好弄。益多妬念。因假作兩書。一仿靜貞之筆跡。謂妹以愛情上之作用。與此間某大學學生某。已訂有婚約。不日成禮。與君由雙方父母代訂之婚約。在理本難生效。爰擬即日取消。以清糾葛。想君曠達。當能見許也。從此以友誼相待。有事通書。宜減去我愛等稱。謂云云。下具靜貞名。封寄京友。託其於某日投郵。寄交魏生也。一則效魏之所書。謂前承垂愛。銘感無既。惟弟邇已另有所歡。情深嚙臂。萬難舍却。已與婚情並定。嘉禮將成。彼此婚約。訂自父母。在法律上。可不生效力。理應廢棄。從此姊亦自由。可以放開慧眼。覓得如意郎君。相圖共命。有情人都成眷屬。馨香禱之矣。明達如姊。當能許其所言。而表同情也。云云。下署魏生名。亦於某日投郵。寄之靜貞。旋潘得某生假造之書。背人加以拆閱。捧讀之餘。惶駭異常。不知所可。悲痛亦劇。以爲靜貞實一柔淑之女耶。素知潔身自愛。未聞有所失德。且其待我之情。素亦厚甚。又何至遽爾有此。豈首都之空氣污濁。風俗之頹敗。較滬上尤甚。是以一至彼間。腦筋立換。而遂喪其所守耶。或者涉世未深。定力未堅。

受人之騙誘。遂以移其愛心。而致有此喪心悖理之事。發現亦未可知。若此則日後必且生其噬臍之悔。余實不忍視我所愛者以墮落。必盡我力之所能及。以促其醒悟。因即遺書靜芳。責其背盟。進以忠告。并促其反省也。書發不數日。而靜貞之書又至。生以爲覆也。訝其速。急拆閱之。而惶駭益甚。蓋靜貞書中。亦係責其戀新棄舊。遽背前盟之意。措詞尤多酸楚。益以憤慨。一字一淚。令人難以卒讀。魏生處此。如墮五里霧中。實不知靜貞之用意所在也。既而如有所悟。出其悔婚之書視之。雖郵章宛然。而字跡微覺稍異。且多矯揉造作之表示。因知爲僞也。恍然大悟。有以知黑幕中果大有人在也。并決其靜貞之受欺。與已實亦相等。兩遭駭愕之狀。亦復相類。事既瞭然。即快函以告靜貞。不日亦接靜貞之快函。所見亦正復相同云。

孽情
小說 蕩中蕩

可憐美玉墜污泥

寒光

華美玉者。會稽商人女也。清末其父設肆滬上。携眷以俱。美玉到滬而後。卽入某女校肄業。時當破瓜年紀。貌尤出塵。惟秉性佻儻。雅非淑女。益以滬上本風靡俗壞之地。校中亦多放蕩不羈之女子。稍識之無。學得皮毛。卽已自命維新。侈言自由。蕩檢逾閑。不

稍自愛。即以貞靜幽嫺之好女子雜處其間。苟非富有定力。必且不逾久而與之同化。況在美玉物以類聚。入校不一月。而卽與校中最著名之敗類黃世英崔玉貞結異姓姊妹。初尙不致曠課。惟每值星期假日。必艷裝華服。窄袖短衣。連袂出遊。或徜徉於馬路。或溷跡於舞臺。以逗引遊蜂浪蝶。未幾漸肆。苟非假日。亦且私自假出。假旅館爲傳舍。大開方便之門。浮滑少年。爭趨之。遂成蕩女。事聞於乃父。遂不令入校。嚴加訓斥。而美玉非特不甘承受。益且反唇相譏。謂世界文明。子女均得自由。父母不應專制。家庭之間。竟亦倡言革命。父無如之何也。意乃益肆。竟公然外出。與所歡共旦夕。彌月不歸。會武漢事起。居然入娘子之軍。北伐之隊。與某軍官邂逅。共和告成。遂嫁某軍官爲婦。寄居法界。不復言歸。父亦恨之甚。任其所之。不復以爲女矣。未幾以放浪不羈。故復與某軍官離異。入某女子新劇社。充旦角。兼營皮肉生涯。某土商矚之。收爲側室。而蕩佚性成。終不自檢。旋又爲土商所逐。下堂以去。繼且困乏。不得已退而業賣花。旅館茶樓。足跡殆遍。有悅之者。卽以身事之。充夜度娘也。稍得積蓄。卽舍賣花弗業。賃屋於某里。專操神女生涯。幾同山梁雉。未久且受雇於某老鴇。懸牌應徵矣。在儕輩中。猶屬下品。

且費用無度。負債纍纍。其所恃爲一線之希望者。則惟涖浴已耳。著者曰。美玉以良家女。益以女學之大好頭銜。誤解自由。實行解放。不惜貶其身價。流爲賤婦。何不知自愛之甚也。總其一生所歷。由女學生而爲淫奔之女。而女軍人。而棄婦。而女新劇家。而棄妾。而賣花女。夜度娘。而山梁雉。而妓。女子善變。當莫此爲甚。嗚呼。蕩矣。

慘情 冤中冤 一紙文書兩淒鬼

澣廬

閩中素矜男色。詩禮之家。生子而美。其防閑尤甚於閨人。某縣一巨紳。生子女各一。皆有殊色。紳故崇尙明教。閑之維則。男女旣及冠笄。猶未出中門一步。家之僮僕。并未少識。烏衣而紅顏者。更無論矣。一日。紳他出。見一僕執蒲葵小扇。乘涼門側。紳亦漠不關心。閱數日。過女閨中。案頭適有此物。取視之。上題五言絕。墨跡猶新。而詩鄙俚可笑。紳心猶未甚疑。及詰其女。則曰。弟適携來。云係某僕者。不知何人所書。讀之令人噴飯。父亦曾見之耶。紳微頷之。而疑乃頓起。時內外隔絕。僕之物無因而至。致以爲訝。然思僕之婦服役內室。物或有所自來。遂不復根究。乃父出而子入。姊弟又以爲笑柄。評騭許時。女因語弟使更之。弟初不欲。旣而念少年章甫。忽等巾幗。亦深閉而不得出。不覺抑

鬱乃以清水滌其墨。取筆大書一絕曰：雄飛原有志，雌伏固無妨。偷借春風力，飄飄出畫堂。吟成，姊弟又笑語良久。而懼爲父所見，遂藏扇於篋中。卽紳亦不甚記憶矣。明年紳將有遠行，以門客綜理外事，卽館其家。其素所親暱者也。時值溽暑，蚊聚成雷。客索一物爲驅逐，乞之於內。紳子無以應，偶見此扇，卽以付之。亦頓忘扇頭所書矣。客揮簞竟夜，晨起，僕瞥見之，詫爲己物。及讀詩，則又非是。遂置之。客當未冠時，實以色寵於宦。故今猶以家寄託。是日見僕錯愕，取扇觀之，不覺大慚。遂疑紳子爲嘲己，思以報復。及紳歸，故以扇置其前。且言：公子所贈者，紳本有疑。於是見之大恚。客又言：公子每夜出，未知焉往，忝在腹心，不得不告。紳益怒，入內呼其子，將施鞭撻。幸女銳身自任，極力辯白。書扇有時，與扇有據。胥行又莫須有之說，陳詞剴切，語微侵客。紳乃釋然。反下令逐客。客雖無顏竄去，而辱受紳子譏嘲。而被紳女破奸，益陰憾之。又踰年，紳以子女長大，亟宜嫁婚，乃爲子締姻於某鄉宦。許女於某京卿，問名納采，喜事雙雙。亦旣賦桃有期，標梅迨吉矣。客知之，因銜舊怨，携扇至京卿家，詆紳女之穢行，又誣造僞證，以實之。復造鄉宦前，鑿鑿言之。鄉宦與京卿，皆迂腐異常者，均遣其媒妁，同時絕婚。紳不能平，爭

鬱乃以清水滌其墨。取筆大書一絕曰：雄飛原有志，雌伏固無妨。偷借春風力，飄飄出畫堂。吟成，姊弟又笑語良久。而懼爲父所見，遂藏扇於篋中。卽紳亦不甚記憶矣。明年紳將有遠行，以門客綜理外事，卽館其家。其素所親暱者也。時值溽暑，蚊聚成雷。客索一物爲驅逐，乞之於內。紳子無以應，偶見此扇，卽以付之。亦頓忘扇頭所書矣。客揮箠竟夜，晨起，僕瞥見之，詫爲己物，及讀詩則又非是，遂置之。客當未冠時，實以色寵於宦，故今猶以家寄託。是日見僕錯愕，取扇觀之，不覺大慚。遂疑紳子爲嘲己，思以報復。及紳歸，故以扇置其前，且言公子所贈者，紳本有疑，於是見之大恚。客又言公子每夜出，未知焉往，忝在腹心，不得不告。紳益怒，入內呼其子，將施鞭撻。幸女銳身自任，極力辯白。書扇有時，與扇有據，胥行又莫須有之說，陳詞剴切，語微侵客。紳乃釋然。反下令逐客。客雖無顏竄去，而辱受紳子譏嘲，而被紳女破奸，益陰憾之。又踰年，紳以子女長大，亟宜嫁婚，乃爲子締姻於某鄉宦。許女於某京卿，問名納采，喜事雙雙，亦旣賦桃有期，標梅迨吉矣。客知之，因銜舊怨，携扇至京卿家，詆紳女之穢行，又誣造僞證以實之。復造鄉宦前，鑿鑿言之。鄉宦與京卿，皆迂腐異常者，均遣其媒妁，同時絕婚。紳不能平，爭

愈不平。語人曰。當喜而感。此行必近不祥。聞者無不捧腹。其癡呆多類此。里中有鄉宦。仕途倦歸。清風兩袖。琴書歌嘯。娛老泉林。膝下猶虛。惟掌中一顆明珠。名曰慧兒。年屆二八。貌殊麗。性絕癡。以故無問名者。然宦愛之甚。乘龍之選。非詩禮之家。俱不足當其意。聞鄒生一介青衿。貧而篤學。人言癡騃。未可盡信。乃倩友作合。且招贅焉。友固生之父。執憫生孤寒。成室維艱。急於玉成其事。知癡兒難以直喻。爰曲其辭曰。某宦欲致汝青雲。擬先以愛女配汝。但汝須移居若家。侍奉某宦夫婦。事之如父母也。生卒然問曰。人非生我也。而可以父母事之乎。友曰。汝豈未讀詩乎。謂他人父。謂他人母。不啻爲汝今日詠也。生喜而允諾。友報命後。宦即糞除甥館。設吉迎壻。輿馬霞爛。儀仗雲擾。羽蓋高擎。鳳樂前導。生兀坐輿中。沾沾自喜。以爲前日所見得官者儀從之盛。猶不及此。今已無異登科。惡得謂之小哉。泊乎香轡臨門。雍揖升堂。擯相唱禮。優人奏樂。喜娘捧麗人而西立。生迷惑殊甚。東立西向。擯相呼之跪而不知跪。呼之拜而不知拜。衆推之。生愕然曰。是奚爲者。男子之膝。非可輕屈也。衆笑告以行夫婦廟見之禮。生反詰曰。夫婦之說。予殊不解。衆曰。達道之三。非夫婦耶。生始恍然曰。是誠有之。予爲夫而渠爲婦。其

斯之謂歟。遽呼麗人爲婦。絕無所嫌。一堂爲之闐然。交拜禮畢。擁入洞房。房中筵開玳瑁。推生爲少艾。並肩坐。飲以合巹之杯。縮以同心之帶。生熟覩新人。容光如珠玉之潤。體態若花柳之妍。心頗愛好。慨然曰。得婦如此。於願足矣。新人亦毫無靦覷色。時以美目灼灼然顧生。且笑曰。予夫忒無賴。予身幾被看殺。又顧親戚中諸姊妹。行而語之曰。予夫卽若夫。胡不均此一盃羹。而使我一人獨享耶。衆皆笑不能仰。大禮旣成。時已二鼓。衆紛紛退。伴娘爲之卸粧脫靴。展衾清睡。生乃與女並枕而眠。究未解床第之事。少臥卽起曰。夫婦而別。予不可以無禮。乃東向而坐。女聞生言亦起。西向而坐。倦極瞑目。倚壁軒然。睫交交而東方明矣。虫飛薨薨。衆客咸入。見生與女垂頭背坐。形如土偶。不禁大笑曰。蚩蚩者果無情耶。女之母聞笑聲亦入。女遽見之。牽母衣欲從之。出曰。閹殺阿奴。與夫處。不若與母共榻也。母亦粲然曰。婢子亦太憨生。汝已有夫。從予奚爲。女竟垂涕不已。嚶嚶作小兒啼。伴娘輩莫不匿笑。顧鄉宦聞之。反謂癡男癡女。具有天真。人方嘖其癡。而宦則愛其癡。且惟恐其不終癡焉。自是生則埋首文章。諷誦不輟。女則掘土和泥。學爲兒戲。絕不類閨閣成人。相與居處。雖盛暑未嘗露臂。夜卽共臥一榻。而內

外異向。恆虛其中。如是者數月。未及於私。一日。同學友過訪。與生坐談。女適入齋。友睨之。驚爲神仙中人。女見客。絕不差避。摩弄玩物。旁若無人。生固善謔者。哈生曰。兄與尊嫂。亦同衾處否。曰。未也。曰。奚爲不同。曰。予讀內則。七年男女不同席。席且不同。況衾乎。友駭然曰。嘻。君誤矣。夫婦非男女比也。詩不云乎。角枕粲兮。錦衾爛兮。不同衾。胡爲怨其獨且耶。生謝其教。夕謀諸女曰。友教我與子同衾。子其勿辭。女無難色。第詢曰。書有之無。曰。書不言。而詩則有之。盡信書。固不若信詩也。是夕遂合被而寢。而衣縷各未去。身轉側殊多不便。生晨起。卽詣友處責之曰。過聽子言。使我永夕不寐。友詢之。以狀對。友笑曰。同衾而不去衣。猶異衾耳。子焉能寐。生駭然曰。衣可去乎。何居乎未之前聞。友因其癡而詒之曰。子不善讀書。宜其愚也。孟子曰。爾爲爾。我爲我。袒裼裸裎於我側。故由由然與之偕。袒裼等字。皆去衣之謂。不如是。寧能自由偕寐乎。生亦笑曰。審是。則雖字與焉能句。皆衍文耶。友亦忍笑答之曰。是矣。生遂深信不疑。適遇他事。歸已昏暗。又謀諸女曰。友教我。去衣與子同衾。其可乎。女始有難色。詢以書言若何。生歎曰。讀書而不明句讀。從前皆浪擲居諸。微友言。吾不知也。乃強女盡解其衣。登床覆衾而寐。膩肌

交擁神魂蕩然。遂熟寐達旦。翌日往告友曰。子言不誣。黑甜鄉予已近之矣。友曰。恐子猶未近溫柔鄉也。生復訝曰。溫柔鄉有以異乎。友乃緬陳居室之道。生聞之津津入耳。惟曰。夫婦大倫。若此者無乃褻甚。友笑曰。君又未讀易矣。大傳有云。夫婦媾精。男女化生。不然。子之先祀且幾斬。生懼然揖曰。僕甚愚。見不及此。僕之高曾。咸承吾友之賜。言訖。茫茫然歸。友更爲之絕倒。生歸猶未暮。卽令女共寢。女曰。晝可寐乎。生曰。晝眠夕寐。眠與寐同也。女從之。生如友教。甫交合。而女卽呻吟不勝。欲推之使起。曰。君今者殊不懷好意。予不再與夫處矣。生堅持之。女創甚。泣然淚下。生素未覩此狀。悱惻不忍。力少縱而女逸。生裸逐之不能及。適宦自外來。見卽叱之曰。是何形狀。生正色答曰。予欲與婦媾精。以延先人一脈。此亦倫常中要務。翁何怒爲。宦不禁爲之莞爾。強其入室而衣之。女忍創奔至母側。泣訴所苦。且摩畫其狀。母令著衣而送之歸室。入門笑曰。壻鄉不慣溫柔。苦我家妮子。情實不甘。生朗然應曰。昔未婦予。汝爲政。今已婦予。我爲政。不甘將如何。母不言而去。由是癡壻癡女。癡態可掬。癡情愈真。遂令外家舅姑。亦一變而成癡聾。

黑幕
小說 術中術

直將賭博作生涯

寒光

學友潘君世藩。膠西巨家子也。曾爲余言。渠之長兄名世俊者。某年以嫁姊故。携鉅款來滬。將添置珠飾。以實妝奩也。來滬而後。寓某大旅館。勾留旬日。始獲竣事。所購珠飾。值逾五千金。實之行篋。惟秘惟謹。不令外人知也。過却一宵。可以歸矣。是日之夕。以室中儲有重寶。苦守弗出。恐遭宵小算也。晚餐而後。閑坐片時。無聊殊甚。方欲解衣登牀。向黑甜鄉。覓好夢。以消此長夜。而隔室抹牌之聲驟起。繼之以金錢相觸聲。呼盧喝雉聲。笑語聲。聲聲相雜。個中人若甚興高彩烈者。世俊年少。具盤龍癖。至此不覺技癢。大有躍躍欲試之慨。然一念及旅居客地。人心叵測。則又爲之惕然。且或者彼等朋好。消閑。不容外人問津。亦不欲冒昧闖入。以遭屏斥。因有不如其已之想。而慾念之來。漸息漸起。血氣未定。正難自持。斜正兩念。固猶交戰於胸中也。忽叩門聲起。自戶外。亟往啓視。一館役入。含笑言曰。隔室方賭牌九。先生客次無聊。亦欲藉此以遣興否。世俊之心。本已如轆轤之無定。苟其時而有人規之以正者。或可息此妄念。今乃反是。更從而煽惑之。於是種種疑慮。悉歸泡影。欣然曰。諾。固所好焉。言已。卽啓其行篋。出紙幣一束。藏

之身畔。闔戶加鍵。隨館役入隔室。既進。見十數人圍一圓桌。可兩匝。或立或坐。外向而南坐者。爲一牛山濯濯之禿驢。胸前金錢纍纍。紙幣重疊。可數千金。上鋒也。以佛門弟子。而有此豪舉。殊堪駭人聽聞。圍而坐者。大半多衣服華貴。舉止闊綽之流。館役爲世俊。紹介入局後。更笑謂之曰。祝先生運佳。大得利。則小可亦得稍沾餘潤也。世俊笑領之。館役遂闔戶去。世俊入座而後。先試以小注。頗獲小勝。旋得良機。衆爭以重注下。世俊亦投百金。僧微目之。意殊坦然。牌起。僧獨佳。衆均敗北。自後僧所往輒利。獲無算。世俊所携。可六百元。且盡。懊惱殊甚。頗有悔意。然與之所至。猶不欲遽止。旋有推門而入者。衆爭囑之。爲一老者。鬚眉頰白。年可六十許。然雙目爛爛。精神猶覺健旺甚。服裝乃類宦者。見之者。必且疑爲貴人也。既入。卽據案坐。目灼灼視。殊頗欲悉心考案牌色之盛衰。靜待時機之至。而遽下重注者。然俟之久久。初未下得一文。惟時以眼色示僧。僧方在順鏡。色舞眉飛。雖老者屢加注目。而渠固視若無睹也。某方之三條。（牌數三十有二。砌成一方。四條。依次推出。每門兩牌。以決勝負。）既出其頭。（推出之預備。曰出頭。）衆以上條爲上。活爭下其注。然鑒於上鋒勢盛。不敢縱。老者忽朗然告衆曰。此條

天門必勝。諸君盍傾囊悉下之。苟其不然。余願悉數賠償。余亦下千金注。爲諸君導。言已卽探懷出紙幣如數。擲桌上曰。余必司起牌之任。衆殊嗤其妄。無從之者。獨世俊奇其言。欲從之。而懷中僅存十數金。頗不足以饜其欲。因笑謂僧曰。可否稍待。余且往隔壁取金去。僧夷然曰。願如君命。速去速來。毋令人久待。世俊曰諾。卽歸其室。取得新購之珠塔一座。復往舉以示僧曰。此塔余以三千金得之。今願押作千金。注下於天門。苟吾負者。明日余以千金取贖。否則沒去。汝亦以爲可行否。衆爲之咋舌。僧微笑。淡然曰。塔值三千金。衲果視爲可信。然不如竟作三千金悉下之。衲勝則塔歸衲。有君勝則願以三千金奉君。省却許多手續。較爲便利。君苟不舍者。衲意不如其已。收去可也。世俊少年氣盛。不甘下人。卽抗聲曰。良佳。此筭筭者。余固未以爲寶也。何不舍之。有僧領首微笑。議遂定。雙骰滾動。俟其既止而視之。一爲么。一爲六。老者疾伸其手。取首副。翻置桌上。世俊亟起視之。則一張爲二六。一張爲么二也。咋舌不能下。以爲受老者愚矣。悔莫如深。以目視僧。見僧面亦灰白。垂首及臆。若甚懊喪。以其震癩之手。啓示其牌。已卽和入所有牌中。亦不以示人。曰。別十也。悉賠案上金。老者取二十金。微笑無語。世俊

亦大喜過望。取三千金及珠塔。歸其臥室。局遂中止。世俊入室。坐甫定。卽有推門而入者。視之則頃間之老者也。急延之坐。老者亦勿却。笑謂世俊曰。君知余爲何如人也。世俊曰。丈仁厚之長者也。曰否。余實老賭徒耳。君年少。又何知哉。君誠險也。余今舉以告君。頃間之僧。實賭中之能手。專以手術騙錢者也。非特所有牌。無不可以覆而識之。且其骰子亦僞。余之入也。意在得分惠於渠。而渠固不我理。因思有以中傷之。觀局既久。牌已悉爲辨認無遺。該條之牌。一三兩副爲巨牌。一爲雙么與二六。三爲么二及二四。地積與至尊也。骰子擲出。悉成單點。五九則天門勝。三七十一則莊勝。兩橫無勝利望。而我之身畔。適携有同樣之牌若干張。么二與也。苟其骰果爲三七或十一者。我卽於啓牌之際。迅以雙么易去者。則彼之至尊再難取出。只可作別十用矣。蓋渠固上鋒而擅場者也。苟有二個么二發現者。下鋒之負客必羣起而爲難矣。以故余可操必勝之權也。然而使余爲彼之同黨者。則寶貴之珠塔。恐不復爲君有矣。以君年少。何知狡詭。客處他鄉。固不可不慎也。世俊急起謝曰。若是則受賜多矣。願以千金爲壽。老者拂袖而出。留之不及云。

哀情
小說 恥中恥

黃卷青燈叩曉鐘

寒 光

矮屋一椽。孤處野外。前臨小溪。溪流純潔如碧琉璃。溪邊殘柳成行。秃枝受風颭。搖曳弗止。然已無春夏時婀娜之態。如美人老去。回想却扇當年。頻搖其首。歎色衰愛弛。無復有垂以青眼者。然屋後護以翠竹百數枝。葉亦間有黃落。委屋瓦楞中。作憔悴可憐之色。風吹萬個叢中。有時如鬼嘯。蓋時既秋暮。無在而不現其肅殺嚴凝之象也。屋內供觀世音偶像。青燈黃卷。雜供案頭。一老尼坐蒲團上。持小鎚叩木魚。梵聲闐闐。與南無聲相應。和凝神閉目。唇吻顫動。厥狀乃至可觀。雙扉虛掩。顏其額曰慈雲菴。金色已剝落殆盡。固佛門清淨地也。時有推門而入者。作聲呀然。老尼聞之。急起逆客。入者爲一年未花信之女郎。雖釵荆裙布。而丰姿猶美絕。惟是櫻唇色褪。杏眼含愁。一寸眉心亦加以許多鬢縷。固令人一望而知爲憂患中人也。老尼既逆之入。合十爲禮。而女郎則向之長跪不起。淚落如斷珠。曰。茫茫大地。已無阿儂容身之所。惟佛法無邊。慈航普渡。當能加以庇佑。俾度餘生。師父慈悲。亦必能體菩薩普渡衆生之至意。剃度阿儂。而收爲佛門弟子也。老尼微愕。急扶之起。曰。以夫人碧玉之年華。而遽作絕世出塵之想。

是則夫人之一寸芳心中。必有難堪之慘痛在也。然而青燈黃卷。亦絕苦生涯。人生之慘境。常人所難堪。苟以一時之失意。憤而出此者。未有不後悔者也。夫人之遭際。可畧得而聞歟。女郎含淚曰。豈謂儂心。猶未堅耶。然儂殊可以自信。阿儂之遭際。極人生之不幸。往事淒涼。那堪回首。含垢忍辱。慘痛難言也。然必一一忍痛。以爲師父告。儂農家女也。生不逢辰。阿儂命薄。慘痛與有生以俱來。一墮地。慈母卽見背。爲失乳之女。祖母慈祥。哺以羊乳及糕餌之屑。竟得生長。至今思之。祖母殊多事也。逾年而我父續絃。入門獅吼。卽視儂爲眼中釘。阿父亦以儂母生儂。卽棄也。目儂爲不祥物。時儂年猶幼。初無所知。及稍長。祖母乃舉以語儂者。然有祖母在。終能爲儂庇也。儂八齡而祖母棄養。儂乃入於慘境。苟繼母稍有不樂者。卽撻儂以洩其憤。阿父不之禁也。翌年父若母。送儂入鄰村爲童養媳。以拔除其眼中釘不祥物也。童養媳之痛苦。比比皆然。已可不言而喻。然而儂雖自苦中得生活。稍長卽頎然而美。以故得未婚夫婿之憐愛。背人常相愛悅。渠年十八。儂亦十六。彼此情竇旣開。而婚禮未成。渠頗不能自耐。屢以非禮迫儂。儂初不以爲可。數却之。一日渠又乘間以此要儂。并謂苟再不之許者。渠且因之而病。

僕恐其眞病也。且僕身終屬之渠。復何吝。遂勉從之。如是者數。翌年秋。村中疫癘大行。渠竟染疫以亡。僕至此。已痛不欲生。然竟未能殉。翁姑不諒。復不容僕守。送僕歸。父若母之惡僕亦尤甚。實則阿僕誠不祥物也。僕母僕夫均可謂以僕而死也。僕既歸。阿父卽欲遣嫁僕。爲訂婚於某鎮。僕自知已非處子。而難於以隱情告堂上。遂亦冒恥而往。却扇之夕。機關破露。彼人以非完璧。詈僕爲無恥女。性尤暴厲。遂視僕如寇讐。同牀各被。不交一言。翁姑亦漸有所聞。不理於僕。視爲贅疣。延及經年。乃下令大歸。此今晨事也。僕以蒙兩嫁及棄婦之大恥。復何面目以見我阿父及繼母。遂不復歸。卽僕而歸者。阿父繼母必亦不之納也。本擬投之清流。了却一切。特恐此生命中之磨劫未完。必且補及乎後世。是以欲借佛門清淨地。求庇於佛法之下。以爲懺悔地耳。苟我慈祥愷憫之師父。大開方便之門。不加拒絕。賜以剃度而收錄者。則阿僕已悟色卽是空空卽是色之妙諦。脫却苦惱。無有罣念。而六根清淨。如身入仙鄉矣。老尼合十曰。善哉善哉。更喃喃宣佛號不止。如爲此可憐之女。耶祝福也。

警世
小說 錯中錯 將錯就錯原非錯

澹 廬

晉陽生者。其始非晉陽人也。乃翁宦於太原。納妾得子。取古人以地命名之意。而字之曰晉陽生。生既生於晉。育於晉。飲晉之泉。食晉之粟。聲音笑貌。逐無一非晉。即晉人亦或忘其非晉矣。年方幼而父歿。以未秩。且薄於宦囊。遂不能歸。因家於晉之榆次。而寄籍焉。生性佻達。不嗜書。及長。輒出與無賴游。母不能禁。乃出私蓄百金。使販於他省。命之曰。汝父官位雖卑。亦宦也。汝今弱冠。未授有望。余心憂之。第我異鄉人。此數恐不能得婦。今以與兒。權其子母。如賈三倍。可亟歸。爲汝納聘。不然。將歸此一世矣。兒宜好爲之。言已爲之治裝。遣之行。生承母命。欣然發軔。里人有顧二者。舊曾貿易於京。因與偕往。生意在得婦。每事歛束。無少縱。顧知生揮霍素豪。且覬其金。途中百計誘惑。生卒墮其計中。行裝旅資。盡爲顧所捲逃。生大恚。因思顧必赴京。盍躡其蹤。追襲之。庶得而甘心焉。於是奮不顧身。急行數十里。倦極小憩道旁。忽見一褻叟。襍被蹠躩而來。警觀生貌。若甚驚異者。遽顧之言曰。不肖子。乃竟在此耶。生聞之。怒甚。將飽以老拳。念其羸。不忍發。惟瞠目注之。叟操西音曰。汝之橫逆。猶昔耶。雖然。予之腸。幾爲汝斷矣。語已泣下。生覺有異。遂僞爲悚懼。拱立不言。叟又褻罵曰。畜產無須番致。可從予赴省。代紀肆務。

明歲與汝偕歸。生審爲錯認。乃將錯就錯。委蛇從之。又故爲追悔之狀。代叟控衛。徐步而前。叟心悅。於路絮談家政。囑囑然父子也。生本晉音。叟故不疑。而生遂謂他人父矣。迨至保定。止於北門之錢肆。生於此已得其詳。蓋叟亦顧姓。世爲平陽富室。生子游蕩。屢戒不悛。父逐之於外。三易春秋。思之綦切。而竟弗歸。前遭生於途。耳目日鼻。無一不酷肖亡人。故目爲己子而復收之。携歸肆中。寢食與共。生亦狡獪。更迎機附合之。遂無人識爲它人子。居半載。叟得家郵讀之。色甚不平。閱日。呼生至寢室。與以五百金。語之曰。汝岳近有信來。謂汝數年不復。將以女他適。汝今可亟歸。以金與汝母。畢汝婚事。俟明春再來。經理店務。吾視汝醇謹勝前。慎勿再萌故態。則家門之厚幸也。言訖。又出寸函。檢夾有汝從兄行二名某者。嚮因汝浪遊。族中公議以渠承嗣。今汝旣在膝下。可以此書覆之。亦係要務。汝勿憚於馳驅。生一一領諾。聆其從兄之名。實卽所借之顧。二私心竊喜。又兩日。辭叟啓行。卽策叟之前驢。仍就故道。途次自計。欲歸叟家。而不捨存金。且慮春光或洩。勢難存身。因決意旋里。行及邑境。距家僅百里。雨驟。驢不得前。乃止於郵舍。主人出見客。衣冠樸實。面有怒容。與生爲禮。極盡東道情。詰姓問名。卽世家甚。

詳。生佯應之。而心滋惑焉。主人辭入。卽聞閨中詢言曰。渠實薄行。今既蒞此。可卽玉成其事。使無悔更。有問。主人復出。謂生曰。汝先人在時。聯此姻媾。詎汝驟承繼產。遽爾嫌貧悔婚。貽笑鄉里。心實不甘。今觀汝舉止。尙非終於下流。予當體汝先人之志。卽以今夕成好合。汝其既來之。則安之。毋違予言。言畢。卽以新衣衣生。生欲辭不及。主人已馳召親戚鄰族。鼓樂旋作。花燭頓興。生迷茫如夢。而究不得所以強婚之由。比入青廬。女有殊色。而齒微長於生。及夜定情。雖兩相歡洽。而女終眉黛微蹙。興怨終風。喟然語生曰。倖薄郎偶承巨產。卽棄葑菲。今雖嘉禮始成。諒非出於本心。妾縱蒲柳。不足以事君子。郎亦念及父母之命否耶。時生猶冒姓顧。託爲顧叟之子。故女言云然。而女父亦以爲其壻顧二。繼承叟嗣。一聞生父爲叟。卽爲成壻。不知其鴛譜錯點也。生正懷疑。聞女言。細詰之。女曰。君非承繼顧叟之顧二耶。妾自彌歲。已許字於君。客歲聞君得叟產。方忻喜間。卽有書來。經絕妾婚。予父怒甚。方欲命予他適。適君辱臨。遂毅然成此好事。豈非天哉。生遽叩顧二居址。又卽前所借者。乃慨然曰。冥漠中良有鬼神耶。何不爽之若。是也。女亦驚詢之。生以實告。遂相對歎惋不已。由是琴瑟甚調。彌月後。女請於父。從生

歸拜姑嬖許之。生以驢載妻而自徒步以控之。不一日。徑抵其家。率妻見母。舉室皆驚。生乃歷述所遭。無不額手稱慶。女事姑以孝。處室以和。鄉里稱賢婦焉。夫生失金而以錯得金。無婦而以錯得婦。其金也。婦也。皆願之所有者也。是錯中之錯。即所以示不錯中之錯也。吁。可畏也夫。

怪異
小說

怪中怪

恨不嫁與田舍子

澹廬

詩言商人重利輕別離。大抵晉人爲然。其生也。髮猶未燥。即從人商販於外。輒數年不歸。其父母亦不俟其子之返。即爲之納婦於家。名之曰娶空房。習俗不改。未知昉於何人。孟縣一民家。亦沿而爲之。婦年二九。美姿容。性且倜儻。于歸以後。經以中饋爲己任。親順翁姑。諧和里黨。絕不作兒女態。第翁以書去。初猶望子遄歸。既而鱗往鴻來。則言肆主將昇。以重賞。使主會計。得利什分之三。因貪此不忍遽舍。故不能旋。歸期亦未定。柯年婦竊聞之。心志頓灰。然在鄉人。則不以爲怪也。里中有李念三者。不知其所自來。蹤跡怪異。備於人。未嘗力作。而成功反居人先。且飲食衣服。未見其經營。無稍缺乏。惟其貌甚粗鄙。城中女羞與爲婚。以故求贅於鄉。然亦無應之者。乃某家之婦。未嫁既怨。

擲梅。既嫁。又傷楊柳。牀頭枕上。太息時聞。翁姑因子弗歸。遂不忍過責。蚤眠遲起。舉不復詰。卽婦亦習以爲常。一夕挑燈獨續。夜已將半。忽聞人語曰。寢未。其音甚低。驚顧之。戶竟洞開。有人悄然入。婦大駭。先疑爲盜。無何立於榻前。則故布衣草履。狀貌可憎。卽所謂李念三者。婦故熟識其人。瞿然起立。遽詰曰。汝來奚爲。答曰。來就寢。婦益大怖。幾出聲。強叱之曰。此中無汝寢地。可亟歸。念三笑曰。歸固無難。但惜娘子玉貌。久虛花燭。徒擔新婦之名。未識新郎之面。愁雲怨雨。渺渺無期。鶯老花殘。行將指日。殊令人爲之長歎耳。婦聞其言。適中隱衷。不覺潛焉泣下。遂復坐。亦不揮斥令出。念三又言曰。僕固陋質。不堪陪侍房帷。然得識春風於荆棘之畔。猶勝抱枯蕊於空谷之中。娘子倘留意。僕願竭盡其材。當亦無殊於兩美之合也。語次。竟逼近其身。乃婦終羞澀。情雖動而意尙遊移。且係處子。無敢承迎。惟拈帶微頰而已。念三知其易與。直前持婦。覺肢體頓軟。遂任其緩帶鬆裳。相與登榻。既合。念三之身。如礪石磷磷然。著肌欲破。婦殊不可耐。推之使起。曰去。去予寧獨處。不敢與汝爲好。矣。念三笑曰。客旣登堂。忍不醉飽而去。強之竣事。婦益莫支。嬌啼欲號。念三微哂曰。他山之石。猶可攻玉。汝真不可磨礪者。然亦太

璞不完矣。抽身而起。攬衣一振。溼矣無蹤。怪者念三。胡爲出不由戶耶。婦大懼。尙幸狼狽未甚。晨起并白如常。亦不敢洩。而心則惴惴恐其復來。至夜將寢。有一人排闥直入。不勝張皇。視之則非念三。其人年僅十五六。容甚秀美。被服風華。婦當驚弓之後。草木皆兵。不欲再經風雲。惟語曰。若何人。昏夜過此。寧無瓜李之嫌。請卽旋返。其人笑曰。名花吐艷。通國皆知。卿猶爲此飾說。豈季念三未嘗同榻耶。但若旣嘗膽。宜乎不忘其苦。然予非莽男子。令人號泣求免者。言訖。引身與婦並。偎倚多情。婦之慾心已動。遂與解衣爲歡。旣悅其貌。兼樂其情。婦至此亦幾無以自主矣。歡娛達旦。其人辭去。甫下榻。粲然而笑。謂婦曰。子姑視我。孰與念三美。時婦已倦甚。強應曰。念三何能及君也。迨凝睇一觀。則依然念三。立於榻前。婦驚駭莫措。念三早穿窗而出。噫。念三歟。少年歟。何其怪歟。使少年而卽念三也。顧何以今夜之始來者。固明明爲一少年。且其柔膩温婉。迥殊念三耶。使少年與念三。判爲兩人。顧何以少年一下牀。卽成爲念三。而少年果何往耶。又何以念三之來也。奚爲其去也。何速而不如前夕之橫施強暴耶。疑雲重重。莫堪索解。斯誠怪中之怪也。婦沈睡至日中。覺私處暴痛。流毒泛溢。其出如漿。遂病不能興。翁

始懼告厥父母。咸來問視。婦終恥於言。僅私告其父母曰。悞兒至此。誠不敢怨。然兒已不貞。歿後。識勿葬於某氏之塋。母唯唯而不解其故。明日遂卒。比殮尸於棺。則腹穿膚裂。黃水汪洋。益怪其病之所由來焉。

慘情 難中難 紅袖青衫皆薄命

寒光

滬西某學校之寄宿舍中。有兩少年焉。一則面如冠玉。衣樸素整潔之衣。坐於書桌前。一籐製之椅上。雙眉頻蹙。現其憂思之狀。屢作歎息聲。一則貌亦英俊。相對倚桌而立。致其疑問之辭曰。君果何所不嫌於心者。而憂鬱至於斯極。爾我同學有年。共處一室。愛好如手足。君苟不以爲外人者。則詳以語我。俾得參預旁觀之末議。或加君以慰藉也。曰。難言也。事有不可以兩全者在。難上加難。至難解決。君雖多智。恐亦愛莫能助也。惟彼此情非泛泛。君尤厚我。既承下問。敢不縷陳。然徒足以滋君旁觀之憤懣耳。於事亦何補。我生不辰。家君早背。先人遺惠。居宅而外。薄田可數十畝。而負債纍纍。數幾稱是。蓋先嚴業商。時艱運蹇。屢遭折閱。遂致舉債。比鄰嚴姓。我家之債主也。出身士儉。以盤剝起家。銅臭薰天。勢利中人也。獨於我家則不然。先嚴歿時。余年甫十四。世態炎涼。

人情如紙。親戚故舊。見我家驟落。莫不引避。惟陳蒞止。非特於宿逋不加逼索。且慨墊款項。爲經理喪事。憫我家之婦寡兒孤。頻加慰藉。并許助余以成立。余歷來求學之資。均向稱貸。渠亦慷慨解囊。從無留難。以故我母子深感之。而不知實卽我命中之魔蝎也。上星期之四。慈母書來。謂陳近託人前來關說。欲以息女爲妻。其事苟諧。則歷年積欠。一筆勾消。否則所有宿逋。卽立追索。不稍寬假。致我人之死命而不惜。慈母愛余。已知余固別有所屬。而陳女貌旣不揚。性尤潑悍。雅不欲強余舍其所好。而娶此悍潑之女。以成怨耦。而斷送我畢生之幸福也。然而事苟決裂。陳且老羞成怒。而施其忍心之手段。加我以逼迫。而我家勢必瀕於破產。我亦不復能繼續其學業。而無以爲生矣。慈母抱未亡人之痛。已數年於茲。豈堪再令覩茲破產之慘劇。苟其應之。則非特以偶非其人而失其畢生之幸福。且將何以對我至愛之個儂。個儂之貌美甚。個儂之才高甚。個儂之性柔淑甚。余與個儂。愛好旣久。雖彼此各以禮自持。純以純潔之愛情相結合。早以共命自矢。有寧爲玉碎。不求瓦全之想。慈母亦深喜個儂。視爲未來之兒媳。今者罡風驟起。遽欲吹斷我們倆之情絲。破我們倆之好事。我心之痛楚。爲何如也。進退維

谷事屬兩難。將何以自解。而事變之來。更於甚於此者在也。昨宵個儂書來。謂嚴君不諒。遽欲奪其愛女之志。將以之另字富家。與執袴子爲耦。處專制家庭之下。婚姻難以自由。人心匪石。固難堪別抱琵琶。信誓旦旦。又何甘遽爾背叛。女兒命薄。自主爲難。君必有心。應籌良策。時機迫切。固不容稍緩也。云云。嗟夫良友。福無雙至。禍不單行。此方之糾葛。既解決之爲難。彼方之不情事。又驟然以起。四面楚歌。逼人咄咄。搜索枯腸。一籌莫展。荆天棘地。擺脫無從。君亦多智。將何以處之。難上加難之事。非亦愛莫能助乎。曰。是誠難言也。以此利害切身之事。而有多方牽制。事總難以兩全。誠無怪君之憂愁滿面而嗟嘆頻仍也。曰。誠如君言。此事恐終難得有美滿之結果。天下無難事之言。誠欺人之談也。言已又蹙額長歎曰。難……難……大難……

黑幕
小說

穢中穢
掬盡西江洗不清

寒
光

維揚唐某。先世以盤剝起家。商於滬上。長袖善舞。積資累萬。性吝嗇。雖在戚好。不肯稍通。有無。年逾不惑。膝下猶虛。抱伯道憂也。妻沈氏。貌美而性悍。苦不育。年亦四十許。猶豐頤盛鬢。望之如二十許人也。秉性既悍潑。益且風騷。時復塗脂抹粉。窄袖長裙。作時

下女郎妝。然以尤物天生。亦頗復能掩其老醜。使與詹某並立。不知者見之。必且疑爲父而女也。及睹其於詹某疾言厲色之狀。則又必且疑爲母而子矣。蓋詹某具季常癖者也。鄰里目李氏爲怪物。實亦甚當。詹有健僕名梅生者。婦與之私。然梅生貌陋。婦初未之喜也。聊以解饑而已。宅外卽詹某所設肆。肆中新添學徒有徐。姓名福奎者。囊人子。年未弱冠。面目姣好。唇若塗脂。性尤溫婉。若處子。婦見而悅之。時託故召以入。百方挑逗。而福奎秉性誠厚。且情竇未開。於婦之深情密意。初未能領解。是以木然無動也。婦以落花有意。流水無情。且礙於僕婢。未能施其技。頗快。然此心固不舍也。私計苟收之爲養子者。則可使出入閨闈。易於爲力矣。因以斯意告之詹。詹亦深喜福奎。重以闔令。豈敢有違。其事遂爛。果也福奎一作入幕之賓。而遽成李氏口中之肉。乾娘乾兒。弄得不干不淨。而詹某莫之能知也。李旣得養子。遂絕梅生。梅生初猶以爲主婦私已。意在求子。今旣有子。遂與已絕。在理亦復可通。爲日稍久。真相漸露。爲之怨憤。以迫於主僕之分。且詹復懼內。隱忍不發。久之。詹以抱孫心切。爲福奎娶婦。趙氏。亦商人女。亦非貞。貌尤美好。特潑悍。不如其姑。李氏攘福奎爲己。有行婚未久。卽不令與女共寢。

詹亦不德。以婦悍。且不之喜。被揮闔外。久作曠夫。頗不可耐。比窺媳美。乘間遂有牆茨之行。事機不密。爲婦探悉。與福奎商。乘詹入女室之時。相共掩入。兩執之。獅吼河東。福奎助威。擾攘無已。旋以詹出宿肆中。不入內室。女幽禁不出。閨闔了事。詹經此一番。頗自愧悔。因亦不敢怨婦。而於婦之私福奎。果未之聞前也。梅生以福奎故。見絕於主僕。含憤已久。苦無術以洩其抑鬱。至此則以爲有機可乘。因以婦私福奎事。密告之詹。唆其主人。以其人之道。還治其人。并自告奮勇。願爲助力。詹初猶未信。而梅生果言之鑿鑿。亦不能無疑。則任梅生以偵者之責。梅生自被絕於婦。卽與某婢私。以資取償。至是私授計於某婢。使先時匿主婦臥內。俟婦與福奎睡熟。偷啟室門。往告梅生。梅生則率詹某以入。掩進臥內。將婦及福奎赤條條雙雙捉住。婦與福奎自睡夢中驚醒。相顧失色。而詹亦目眈無一語。婦以爲可欺也。抗辯勿已。謂分屬母子。無嫌可避。詹某此舉。殊屬無理云云。詹反無以爲答。而福奎已抽身避出。一場擾攘。至無結果而散。然而鼓鐘於宮。聲聞於外。兩番醜事。僕婢傳言。早已穢德彰聞。喧傳里巷矣。著者曰。風俗之敗壞。至斯世而已達極點。此篇所述。得之某君言。個中無一好人。以演此廉恥喪盡之活劇。

世稱穢中之穢。此種穢史本不足污我禿筆。誠恐此離奇怪誕之活劇。或人所未聞。特表而出之。俾留心世道人心者。有所加以糾正也。

哀情
小說 悲中悲

猶是春閨夢裏人

寒光

唐瑤英者。杭垣士人女。生秉湖山靈秀之氣。貌比花研。才工咏絮。性尤柔淑。誠近世婦女界中難得之好女子也。年十八。畢業女中學業。適同里周生子碩。生世家子。少孤。上惟慈母。既無伯叔。終鮮兄弟。貌既出羣。秉資亦厚。性尤亢爽。藉先人遺惠。溫飽有餘。年與瑤英相若。讀於滬上某專門學校。志氣不凡。英俊少年也。結褵而後。一雙兩好。佳耦天然。鸞愛蝶戀。情深無限。眞世上最快活之夫妻也。瑤英事姑。尤以孝聞。以故有賢名。鄰里所稱道。子碩既得此才貌德容兼備之愛妻。中心之美滿。自難言喻。然雅不欲以戀愛而廢其所學。是以婚事告終。卽往滬上。力學弗怠。苟非假期。亦不輟學。以歸。惟繕一紙錦箋。於字裏行間。以與其愛妻通情愫耳。然偶一假歸。久別重逢。情好之篤。自必異於尋常。其味亦殊永。一年而後。瑤英玉種藍田。夢熊有兆。臨禱期屆。一索得男。有此愛情之果。伉儷之愛力益增。情好亦益篤。子碩之母夫人亦以既得賢媳。復享弄孫。

一樂。笑口常開。老懷彌樂也。焉知好景不常。等曇花之一現。盛筵難再。類過眼之煙雲。顏每多薄命。佳耦偏遭天妬。歡喜未久。愁苦遽來。有令人難堪者在也。是年辛亥。八下旬。武漢起事。各省響應。報紙鼓吹。不遺餘力。子碩本血性男子。愛國健兒。奮袂以曰。我大漢同胞。困於滿清虐政下者久矣。光復舊物。此其時乎。投筆從戎。儒林佳話。一戶馬革。亦男兒之快事也。儕輩壯之。願與俱往者。頗不乏人。遂相率私遁。入學生之臨行遺書致瑤英。諄諄以仰事俯畜爲囑。絕及不戀愛。且勸其愛妻爲之禱戰死。激慷慨。豪氣凜然。瑤英得書。初不能無動。然雅不欲效尋常兒女子態。惟暗祝胡虜早俾其夫墮解甲歸來。處共和國旗之下。共度快樂之歲月耳。私計此可怕之消息。萬宜以之告堂上。以滋其憂慮。因秘而不宣。然而事變之來。更有出人意外者在也。數而後。其未週歲之愛兒。遽攫劇症。遂以夭殤。瑤英以割却心頭肉。悲痛無已。子碩之夫人。雖亦痛孫心切。然猶加以慰藉。并囑其勿以函告子碩。以傷其旅懷。致生意外。不知其愛子之已在硝煙彈雨中也。至是瑤英益悲。然終不敢以實告。越二日而噩傳來。子碩戰死。蓋寧垣爲東南重鎮。軍事家必爭之地。江浙健兒。會師白下。悉力進

攻子碩與也。臨陣猛進。不稍退却。天堡城一役。竟致飲彈而歿。可憐無定河邊骨。猶是深閨夢裏人。哀哉瑤英。以數日之內。迭遭大故。愛子天殤。悲痛未已。丈夫戰死。噩耗又來。天胡不仁。殘酷至此。一寸芳心。怎禁得幾多愁苦。可憐此溫柔曼妙之瑤英。悲痛之餘。竟以一慟而絕。美人命薄。千古如斯。然其所遭之慘。當未有其於瑤英者也。黃土一杯。含悲地下。普天下有心人。當爲之同聲一哭。著者握筆至此。亦不覺涕淚之何從也。

奇異
小說

奇中奇

此生猶入玉門關

澣廬

余嘗聞某公言。清時西陲蕩定後。有軍將秩且四品部其衆。往戍回疆。兵弁百數人。臨溪配渡。軍將與其目長約十乘。獨乘一舟。有回人年且耄。爲之操櫂。偶聞軍將鄉音。忽操漢語諮詢曰。公等俱自華土來。風景近復何似。闔舟聞而駭。競詰之。乃泫然曰。予雖居於此。種類實異。身本中州世族。壯時同季弟入伍。隨征殊方。一時偶失利。兄弟離散。予遂陷於準噶爾部中。渠役之如奴隸。嚙雪吞氈。苟延殘喘。渠又售我於回部。遂習其俗。不能復變。今又數十年。幸得復覩大邦人物。不禁感而失言。萬勿見過。衆既悉其顛末。不覺測然。有至淚下者。忽一人排衆而前。持回人之手。跪而泣訴曰。兄尙能識弟否。

弟自與兄相失。歷嘗辛苦。始得生入玉關。飄泊顛沛。復投營伍。然隱姓匿名。亦已歷數十寒暑矣。其人釋棹細認。差池雁影。猶得依稀。乃相持大泣。軍將覩其情形。卒然動念。卽以里族叩之。則姓氏鄉貫。實與軍將若合符節。及自言其名。軍將瞿然而驚。起立以詢。曰。若去鄉之日。曾授室否。則曰。娶某氏。琴瑟甚調。又問抱子也未。則曰。年週歲。稟梨未覓。再謔以其子之名。則言未及終。軍將早噉然大慟。膝行而前矣。其人始愕然。堅不敵承。同舟中亦有知之者。又爲鑿鑿言之。更質以祖禰名諱。無不吻合。其人驚定思痛。號然失聲。與軍將目長。相抱大哭。同舟咸婉慰之。始破涕爲笑。夫以父子兄弟叔姪。流離散亡。天涯萬里。尋覓何從。而一旦相聚於一葉之中。其天倫遇合。洵奇之又奇者也。時已抵岸。軍將白父。棄其所操之舟。出箭中衣冠更易之。同至戍所。具牒於上官。縷陳其實。兼繳官誥。贖父與叔之罪。上官憐其情之摯。喜其遇之奇。亟爲具奏。得以宥而弗問。并許其父旋還鄰里。其叔改復鄉籍。軍將乃先命人送其父歸。太夫人猶在堂。夫婦握手涕零。則皆年逾七十矣。軍將復爲其叔除軍籍。完家室。而送之返里。叔生二子。軍將視之。不啻同胞。宗族稱之。

黑幕
小說 惡中惡

夜半粉團味若何

寒光

晉省某中學中有潘方兩生焉。均邑中巨紳子。貌均美好。復均新婚。以庭訓綦嚴。宿校中。非星期不得返。同舍而居。因相愛好。各道其愛妻之美。情好之篤。而致怨於其嚴父。之不加寬假也。旋方生察得潘每間日乘同學熟睡之際。深夜外出。黎明乃返。仍復睡。休。逾時始起。以爲苟非私歸。亦必另有外好。擬偵其究竟。以師其技。某晚又值潘私出之期。入睡而後。假寐之覘之。夜猶未半。潘果躡足下牀。啓門而出。方暗隨之。不令覺也。潘旋往後院。踰垣而入。方繼之。潛折而東。抵其居後之園外。俯首拾磚塊。飛入窗上。映有燈光之樓上。着瓦有聲。有頃園門呀然而啟。時當冬夜。天氣嚴寒。有美一人。披大紅狐裘。提絳紗燈。出迎潘。潘入門。遂閉。凡此現狀。方覘之甚悉。決爲女卽潘之愛妻。貌固美甚。牀頭人不及也。艷羨之餘。遂涉邪念。以爲明日之夕。潘宿校中。余獨不能效其所爲。以前往耶。遂歸校。仍逾垣以入。反其臥舍就寢。及晨起。見潘已在。僞爲弗覺。笑樂如平時。及晚就睡。和衣假寐。聞潘之酣聲。比作乃潛起。私出。既抵園外。亦拾石以投之。某樓之上。旋潘之愛妻。固仍携燈來啟。適是夜風狂。門啟燈立滅。潘妻低聲曰。今夜

非期。胡歸爲。方效潘生之聲。亦低語答之曰。天寒如許。不耐獨宿。是以歸耳。言已而入。潘妻無語。闔門加門已。已右臂環方生之肩而入。既登樓。樓上之燈亦以被風而滅。婦曰。須燈未。方曰。無須。暗中摸索。佳也。相將就寢。潘妻遂爲方污。天將明。潘妻警醒。起。明其燈。往推方醒。見係。質鼎。大驚失色。方曰。事已至此。苟夫人而聲張者。在。生固無倖。而夫人亦名敗。雖盡西江之水。終不能滌此污點。潘君之顏面亦掃地矣。不如其已。半夜柔情。令人知感。願得而續之。亦間日爲期。與潘君相參商也。苟夫人而不之許者。則。生以愛夫人之忱。難於割舍。願與夫人共名裂。潘妻以大錯既鑄。無術自脫。勉應之。以故方於潘生留宿校中之夜。輒潛往。平分春色也。久之潘亦察得方之深夜私出狀。知爲亦間日往。而與己適參商。不能無疑。因亦加以偵察。如方之探己狀。及見方以磚塊投其居屋之頂。愛妻亦竟拔關出迎。携手以入。不覺憤火中燒。幾欲得而兩殺之。以洩其憤。然猶能力自鎮定。急逾垣以入。適其臥樓之下。有紫籬之架。潘探升而上。達窗口。就碧琉璃外窗帘之隙。以窺其愛妻之情狀。聞其愛妻詢方曰。腹飢乎。亦欲得杏仁之餅乎。方曰。得食固所欲。特苦其太乾。曰。若是則有阿儂手製之粉團在。曰。良佳。潘妻

遂注水於火油之爐內。煮粉團而熟之。詢方曰。君需幾枚。曰數可四。卿須哺我。潘妻諾。方往牀上臥以待。潘妻盛四粉團於碗。取牙箸二。就方以箸夾團。碎而哺之。及最後之一團。方曰。此最後之一團。卿其銜以香口。而露其半於外。我則就卿之櫻唇外。啖其半。潘妻亦從之。凡此現狀。潘悉於窗外得之。以其至愛之妻。目睹其受人侮辱。至於此極。心中之酸楚。豈復可以言狀。至此更慘痛難勝。頭目暈眩。幾墮自架上。揉而下。含憤歸校。思所以報復之方。轉折不能入寐。天甫明。方亦至。潘爲不覺。既起。亦歡好如常。絕不露其怒容。蓋已有成竹在胸也。比晚屆時歸去。乃悉仿方昨宵之言動。以施諸於其愛妻。無或稍異。其愛妻亦竟以待方者待之。杏仁之餅。苦其乾也。則易以粉製之團。潘臥而哺之以食也。然而芳心忒忒。不能無疑。及最後之一團。潘亦懇其愛妻。含以香口。而露其半於外。俾就而分食之。斯語一出。潘妻明知事已敗露。無可掩飾。色卽立變。擲其手中之碗箸。下牀長跪。涕泣請死。并道起迄。不稍隱瞞。潘曰。此事余亦不能辭其咎。苟不深夜偷歸者。又何從致此。卿待我之情。初不因之以稍減。我益有以知卿之出此。初非得已也。惟卿能於明晚方來時。設法取得其廣長之舌否。苟其能之。則卿心可大白。

潘妻切齒曰。能之。必圖得當以報。天將明。潘仍返校。及晚方往。潘又暗隨之。仍探登紫簾之架上。以窺一切。潘妻既迎方入室。坐玉鏡臺前。故蹙雙蛾。作不舒之狀。方問所苦。則以胃痛告。方爲撫摩之。問已愈未。則曰敬謝君已愈矣。更立現其喜悅之狀。投入方懷。方抱之而吻。潘妻乘間以舌吐入方口。方亦如之。潘妻俟其深入。力嚙之。方之舌立斷。口血噴出。如泉湧。痛不可忍。下樓遁去。歸其家。血迹灑所經途上。續續勿斷。時潘妻亦已暈去。潘至此。揉而下。入室登樓。出利刃遽刺其已暈之愛妻之心而死之。復碎其衣裙。置刃於其身畔。返其校中。刃果方物。用以裁紙者。方預得之於方之書桌上者也。翌日晨起。家人以少夫人遭慘殺來報。潘佯駭。奔歸。睹狀號陶大哭。旋收淚以告父母。曰。以室中現狀論。果明明強奸不遂逞兇也。兒媳貞烈。竟得嚙去兇手之舌。兇手遁時。必且遺有血跡。循之以往。兇手可立得。因報之官。官以案情重大。立往蹣驗。意與生合。循血迹往。遂獲方生。以爲證據完全。方又失舌。無可辯白。定以強姦不遂。逞兇殺人罪。論死。案上京批。方斬立決。潘妻旌表云。著者曰。方淫人之妻。實惡人之尤。潘設計死方。其心亦惡。報固得其當。然而所以待其愛妻者。未免忍心太甚。

黑幕 小說 利中利 世路險於臨絕幟

寒光

秦生侯其名。白下舊家子。少年美貌。祖宗遺產。可數十萬。養尊處優。不事生業。纨绔性成。遂爲蕩子。某歲携款遊滬。寄居某旅社。徜徉爲歌臺舞榭間。洋場十里。着遍遊躡。拆白黨健將小汪。偵知之。以爲奇貨。美其衣飾。闊其舉止。以與之訂交焉。如磁引針。如珀拾芥。頗有相見恨晚之慨。於是汪日爲生伴。如影隨形。爭逐於酒樓妓館間。無休日。初誘之賭。思所以中傷之。而生亦此中老手。因不能施其技。遂變計。名妓天香閣者。姿首既不惡。性又風騷。汪之舊好也。至是汪往與之商。擬設美人計之圈套。以放白鴿爲歸宿。天香閣諾之。進行之方法。一一預爲籌定。然後開始運動。汪先以天香閣介紹於生。生大悅。以爲天仙化人也。報效不遺餘力。天香閣亦獻其狐媚之手段。百計以悅生。生益爲所顛倒。難以自持。大有在天願作比翼鳥。在地願成連理枝之想。而不知適墮他人之術中也。一日生謂汪曰。天香誠可兒。余決以金屋貯之矣。君素厚我。其爲我商之。其假母。渠之身價。果幾何哉。事苟有成。必不忘撮合山也。汪以時機已至。竊喜。笑曰。願天亦有情人成眷屬。汪某雖不敏。願憑三寸不爛之舌。說其假母。以成此美事也。生喜。

甚。急致謝悞。汪遂商之。搗搗索千金。汪佯駭曰：「千金耶？不甚過鉅。能稍減耶？」搗堅持之。汪遂無語。往告生曰：「事屬大難。彼萬惡之老搗。心甚於狼。啟口卽曰：『萬金。』余駭其鉅。卽欲拂袖而出。徒以事既決裂。更議爲難。無以報命。因強忍之力爲說項。再四磋商。始允減至六千金。搗已有言。苟少分文。已無商量之餘地。君意如何？還祈有以示知也。」生聞語。卽亦不假思索。慨然曰：「六千則六千耳。明晨當再煩君代勞一行。取得契據來可矣。爾我至好。尙求勿却。蓋余實畏煩也。」汪心竊喜之。遂亦慨諾於中。取利五千金。先已入其囊橐。生既娶天香閣。卽欲携以歸寧。而天香閣殊不以爲可。謂寧垣非安樂地。不如滬上多多也。生不忍拂其意。從之。因博居滬西之某里。衣飾服御。起居飲食。無不力求華美。所以悅之者。惟恐不至。天香閣且佯以節省爲勸。故示以柔順幽嫺之態。愛好無間。生賢之。以爲目果非盲。得拔青蓮於淤泥之中。中心之樂。初未可以言語形容也。感謝小汪。亦不置。匝月而後。汪漸邀生出遊。生以誼不可却。每召輒往。而天香閣常伴阻之。一日汪又邀之某名妓處。絆之三日。而天香閣卽乘此時機。從容收拾。囊括所有。約值兩萬金。并及賣身契據。挾以遠遁。比及生返。已人遙室邇。杳如黃鶴矣。汪且蹤至。暗

狀頓足不已。生爲之愕然。詢以故。汪出一天香閣所立千五百金之借據以示生。其年月則在嫁生之前二日。謂渠實藉以清宿逋者。余以人既歸君。彼此既情同骨肉。遂弗以告君。今渠既失蹤。則此千五百金者。亦且化爲烏有矣。生反力慰藉之。并認代償。懷喪歸寧。卽以千五百金匯歸汪。并自矢終身不來滬上云。汪大樂。立函招天香閣回滬。作非正式之夫婦。拆白黨遇着洋盤。利中得利。小老婆攘爲己有。艷福無窮。小汪誠幸運哉。然而人財兩失之秦生冤矣。寄語海上寓公。世路險巇。人心惡毒。滬上尤甚。如小汪其人者。隨在而有。初非嚮壁虛構之談。交友果不可不慎也。

武俠
小說

盜中盜

願將雙劍化千萬

游廬

秦中多盜。其山林藪澤。間千百成羣。類皆攻剽劫略之流。著名者若陳大麻子。若流星拐。若飛天父。雄據有年。積案累累。官吏亦莫敢誰何。數年前。忽有少年夫婦二人。載瓜皮小艇。逆河西上。抵關外之蓼花渚。喜其地處荒僻。形勢雄邃。爰卜宅焉。居恆不事生業。朝夕讀書。啣晤一室。暇則歌嘯倡酬以爲樂。每至憤激時。輒拔短劍。二男左女右。各執其一。婆娑起舞。成兩白團。倏離倏合。祇聞呼呼作響。不見其人。嘗携手入城市。羣願

而異之。以爲天生一對璧人。胡爲甘處岑寂之區。居無何。關內土豪。以及貪吏之過境者。莫不刦掠一空。或財命兩傷。或取其財而貸其命。以之警省。課罪施罰。較官廳尤爲允當。而被刦者。僉以盜係青年。二雄一雌。剽悍異常。雖者尤絕。聞於官。官廳循例比捕。遣拿。案情初不過問。然一時義盜義盜之聲浪。喧傳於雍梁人之口。環關而居者。遂有疑於少年夫婦焉。少年偵知之。知此地不可以久居。將擇良以遷徙。陡思秦人以盜名。余固盜而有道者。設余去而之他。彼秦盜盜余名而爲不道。余其奈盜何。是非於未去之先。治其一二盜魁以示警。不可。乃謀諸婦。婦贊其議。且極力慫恿之。相與定計。設謀爲秦人掃除巨暴盜之暴者。莫陳大麻子若。身高丈餘。有力如虎。遇商賈。掠其貨。未嘗貸其生命。一日。山偵報告。謂有少年珠商二人。滿載珠寶。憩息於十里外之古廟中。麻子聞報。挺之。招三五健兒。相率而去。至則廟門緊閉。力撞其門。門啟處。寒光兩道。其白如虹。直冲而出。而健兒已倒地三人。麻子大怒。舞刀直斫。戰久之。腰脅俱傷。仆不能起。少年以劍指其面曰。汝非陳大麻子乎。汝爲盜之巨臂。汝亦知爲盜之道乎。盜也者。大半英豪俠士。因有所迫。不得已而出此。既有所迫而爲盜。忍令以盜迫人乎。故盜宜

扶弱鋤強。所劫爲不義之財。所截爲害民之賊。方是盜之本色。汝今者能從余言。痛改前非。則貸汝命。不然。莫謂余劍之不利也。麻子旣感且悔。叩地而誓之。自是秦中之盜。無擾害善良者。少年王姓。劍雄其名。魯產婦張氏劍英。俱世家子。蓋因事而隱於盜云。

怪異 崇中崇 絕倒徙家避人禍

游 廬

人死回煞劇爲厲崇。其事之有無。不辯可知。而世俗咸信之。某地一富家。新喪子婦。亦屆其期。於是闔室戒嚴。雞犬皆徙。而竊慮豚僮者。乘間爲患。有駭僕潛使居守。閉置於立櫃之中。囑曰。若有崇。屏息自能免禍。無之亦安枕而臥。何懼爲。僕領諾。衆俱匿迹。至夜深。起聲淅瀝。未免戰栗弗寧。俄而階前察察有聲。未幾而履闖矣。無何而入室矣。僕從櫃之隙處。窺覘之。燈光微閃。昏慘不明。見一人衣飾面貌。彷彿化者。乃大駭。已有據案而食。齒聲格格然。傾樽而飲。唇聲渣渣然。又有頃。紙錢窸窣。繞室巡行。益大怖。而竊幸其不已覩也。乃遲之又久。傾耳若有所聽。舉首若有所見。嗚嗚而前。經趨此櫃。僕不覺心膽俱落。悚惶間。倏已逼近。視其面白如雪。剴然啟扇。豁然洞開。駭然俱驚。頽然皆仆。不獨內者無生氣。而外者亦相對死。蓋兩敗俱傷已平明。主人入。呼僕。莫之應。郵而

視之。僕挺臥積中。氣息奄奄。不絕如線。惟崇早絕倒於外。衣裳楚楚。儼乎生人。髮際著紙條一束。細審之。實則子婦之從嫁婢也。主人不禁愕然。以湯灌僕。移時甦。具述所見。視婢既已莫救。蓋婢有去志。思假崇以竊主賞。且稔子婦之儀狀裝束。一如其在生。及夜入室。冀飽貪壑。初不聞主人之留僕居守也。比見之。亦駭以爲崇。遂仆於地。主人察得其故。乃笑而殮之。以襯明日。怪事競傳。遐邇咸聞。迄今某地人語曰。崇能死人。人亦能死崇。是之謂崇中之祟。夫崇卽有真。豈亦能死人哉。從來懼崇者。無如婢媼。偶一言之。輒搖腕變色。慄慄如見其形。此婢何其勇也。而卒爲韞積者。驚怖以死。要亦利欲居中。天奪其魄耳。吾恐果有真崇。彼二人又將何如耶。

中華民國九年十月初版

世界奇聞大觀(全二冊)

定價大洋壹圓

外埠酌加寄費隨費

著述者

寒游

盧光

印刷者

大陸圖書公司

發行者

中外書局

版權所有 不准翻印

總發行所 上海

牯嶺路一百十五號

大陸圖書公司

R2

C
16.7